

YONE MBINGANO YA NGWANA

 Ndi a ni livhuwa, Mukomana Edmonds. Murena a ni fhaṭutshedze.

Ndi madekwana a vhudi, dzikhonani. Zwa vhukuma ndi u tondwa hafhu madekwana a namusi u vha fhano kha Thaberenakele ya Fellowship. Musi ndi tshi fhira, masiari ano, huno nda sedza he zwa vha zwi hone, huno nda vhona ipfi “Fellowship,” izwo two tou mpfara zwavhuđi. Ndi a zwi takalela hezwo, Mukomana Edmonds. Vhuledzani, hezwo ndi zwine ra tenda khazwo.

² Khonani yanga ya kale, ine yo tou ḥuwa hayani u vha na Murena, vhunzhi hanu ni nga di vha no mu ḫivha, Dokotela. F. F. Bosworth, vhunzhi ha vhoiñwi. O vha a fhano Phoenix, ndi a tenda, na nne tshinwe tshifhinga, muya muhali wa vhudi nga maanda. Huno o vha a...o vha a—a...O vha a mukalaha mukhethwa wa kale, fhedzi o vha a na miswaswo. Huno a ri kha nne, tshinwe tshifhinga, a ri...nda isa phanda na u amba nga vhuledzani. Huno a ri, “Mukomana Branham, ni a ḫivha uri vhuledzani ndi mini?”

Nda ri, “Zwo luga, ndi elekanya nga u ralo, Mukomana Bosworth.”

³ A ri, “Ndi vhatu vhavhili kha tshikepe tshithihi.” Ngauralo, huno izwo ndi zwone, vha tshi kovhelana lufhera nga tshavho.

⁴ Huno ndo vhona vhunzhi ha vhoiñwi ni tshi imisa zwanda zwañu, nga u ḫivha Mukomana Bosworth. Ngauri—uri no mu ḫivha, ndi do tou takalela u amba ipfi la zwikhathinyana zwawe zwa u fhedzisela fhano kha lifhasi. Ndo mu ḫivha lwa tshinwe tshifhinga. Huno o vha e nn̄da hafha a tshi khou rera Mafhungomadifha nahone a tshi khou rabelela vhalwadze, ndi sa athu bebwa. Ngauralo ni nga kona u vhona uri o vha e kha vhukale vhufhio. Murena a mu tendela a tshila, ndi elekanya uri, lwa miñwaha i no ḥodou swika fumalo-thanu, tshinwe tshithu tsho raloho, huno o fa a tshi kha di vha munna wa tshivhindi.

⁵ Musi o vha e na ya fusumbe-thanu, ndi tenda uri yo vha i yone, ene na nne ro vha ri kha...ndi a tenda, Hodela ya Edgemont ngei Miami. Huno ro vha na tshashu—tshiswiṭulo tshashu, huno vha ya kha khunzikhunzi ya lwanzhe he ha vha hu na magabelo a tshi khou da, u sedza nwedzi u tshi bva. Huno ndo vha ndi hafha, ndi na miñwaha i yelaho kha ya fuiña, mahada anga o govhea, ndi tshi tshimbila sa hezwi. Huno ene, a na ya fusumbe-thanu, u tou tswititi sa zwine a nga vha. Huno nda mu lavhelesa, nahone nda mu takalela. Huno nda ri, “Mukomana Bosworth, ndi khou ḥoda u vhudzisa mbudziso.”

A ri, “Bvela phanda, Mukomana Branham.”

Huno nda ri, “Wo vha u kha hau khwiñe lini?”

⁶ A ri, “Zwino.” Zwo ralo, zwenezwo, nda di pfa ndi tshi dishona. Huno a ri, “Ni a hangwa uri ndi tou vha n̄wana, a dzulaho nduni ya kale,” a ralo. Huno uyo o vha e Mukomana Bosworth.

⁷ Musi ndi tshi pfa uri u khou ya u ḥangana na Murena, Ndo ḥodou fhisa mathaela a modoro wanga, ndi tshi tsela fhasi ngei Miami, u mu vhona. Huno musi mufumakadzi na nne ro swika heneffho . . . Huno muṭa wa ha Bosworth na muṭa washu vho vha vhe khonani khulwane. Huno ra dzhena ngomu. Khotsi wa kale o edela kha sofa l̄ituku. Huno o vha o vuwa, ḥohoh yawe thukhu ya lufhanda, zwiṭuku, zwanda zwisekene zwa hovhelela kha nne, nga u ralo. Miłodzi i tshi khou elela maramani anga. Nda mu fara zwandani zwanga, huno nda lila, “Khotsi anga, khotsi anga, gariki dza Isiraele na dzibere!” Ngauri, arali ho vhuya ha vha na mukalahwa we a vhuya a vheya tshirunzi kha mutshimbilo wa Pentekostała, ho vha hu Mukomana Bosworth. Zwa vhukuma o vha e ene. O vha e l̄iluvha l̄ihulwane.

⁸ Huno ni a ḥivha, tshithu tsha u thoma tshine a ḥoda u ita, ndi u mmbudza muswaswonyana, nga u ralo, ni a ḥivha.

Huno nda ri, “Mukomana Bosworth, naa ni khou ya u fhola?”

⁹ A ri, “Hai, Mukomana Branham. A thi khou lwala, na u rangani hazwo.” A ri, “Ndi khou ya Hayani.”

Nda ri, “Zwo luga, izwo ndi zwavhuđi nga maanda.”

¹⁰ Ri kha di tou bva u bva midavhini ya vhufunziruňwa ha Afurika, ene na nne. A ri, “Ndi tou vha wa kalesa u tshila tshifhinga tshilapfu.” A ri, “Ndi khou ya Hayani.”

Nda ri, “Mukomana Bosworth, naa ni ḥo nyeletshedza u itani?”

¹¹ Huno a ri, “Dzulani na Mafhungo-madifha.” Huno a ri, “Humelani murahu midavhini ya vhufunziruňwa nga u ḥavhanya u ya nga hune na kona.” A ri pfi, “Iyo i ḥo vha ngeletshedzo yanga.”

¹² Huno nda ri, “Mukomana Bosworth, tshiňwe tshithu tshine nda tama u vha vhudzisa.”

A ri, “Naa izwo ndi mini, Mukomana Branham?”

¹³ Nda ri, “Zwino, no dzenisa miňwaha i ḥodaho u swika ya furathi kha Murena, tshumeloni, kana khamusi yo engedzeaho.” Huno nda ri, “Tshifhinga tshaňu tshe na vha no takalesa ndi lini kha vhutshilo?”

A ri, “Ndi zwino.”

Huno nda ri, “Mukomana Bosworth, vha a zwi ḥivha uri vha khou lovha?”

¹⁴ A ri, “Ndi nga si fe. Ndo fa miñwaha minzhi yo fhiraho.” Huno nda... A ri, “Mukomana Branham, vhothe vhe nda vha funa nahone nda vha londa lwa miñwaha yo fhiraho ya furathi, Ndo vha ndo Mu lavhelesa uri a vule uyo muñango tshifhinga tshiñwe na tshiñwe huno a ñe, a ndzhiye.”

Ndi elekanya nga ha izwo, *Yone Phisalema ya Vhutshilo*.

Vhutshilo ha vhanna vhahulu vhu ri humbudza
 Ri nga ita uri matshilo ashu a ime,
 Nga u vhekanya, u siya murahu hashu
 Khando dza ñayo kha muñavha wa tshifhinga.

Huno zwa vhukuma o sia khandiso ya ñayo, kha nñe.

¹⁵ Phanda ha musi a tshi fa, kana u fhi-... a tshi ya Vhugalani, lwa awara, kana khamusi i fhiraho, phanda ha musi a tshi lovha, o vha a tshi nga o edela lwa awara dzi si gathi, huno mufumakadzi wawe, vharwa vhawé, vhafunwa vho ima u mona hothe, huno mukalahaa a vuwa, a sedza u mona hothe, a takuwa, huno a gidima u mona na luvhande, nahone a khadana na mme awe vhe vha vho tuwa lwa miñwaha minzhi, na khotsi awe. Huno lwa awara i sa athu fhele, a khadana na vhathe, a tshi ri, “Uyu ndi Mukomana John. Ee, no ña kha Kristo muñanganoni wanga ngei Joliet, Illinois. Ngoyu Mukomana . . .” A tshi khadana na vhashandukwa vhawé vhe vha fhira, lwa miñwaha minzhi.

¹⁶ Ndi—ndi a ni vhudza, nga tshinwe tshifhinga ndi tenda uri kha awara ine ra fhira u bva kha lino lifhasi u ya kha linwe, Ndi a tenda tshinwe tshifhinga musi... Mulambo u khous yo kondá u pfuka, naho zwo ralo, ni a ñivha. Ndi a tenda uri khamusi Murena u ri kha vhafunwa vhashu, “Tselani fhasi mulamboni huno ni vha ñanganedze ngei fhasi.” Ngauri vhunga Yakobo o amba, ri ño kuvhanganywa na vhathe vhashu linwe ñuvha.

¹⁷ Na nñe-vho ndi khous ñoda ilo ñuvha li tshi ña. Huno zwenezwo musi ndi tshi fhedza nga uvhu vhathe fhano, kana Mudzimu a tshi fhedza na nñe hafha, huno ndi a vhona uri ndo dzhiya maga manwe na manwe e nda vha ndi tshi nga dzhiya, ndo fhira nga kha mupfa muñwe na muñwe, huno nda gonya tshikwara tshinwe na tshinwe, Ndi ñoda u sedza murahu, nda vhona he nda vha ndi hone, musi ndi tshi tsela fhasi mulamboni.

¹⁸ Tshifhinga tshothe ndo amba, vhunga vhathe vha vharema fhano, vha na luiimbo lutuku lune vha lu imba, “A thi ñodi khakhathi mulamboni.” Ndi khous ñoda u zwi dzudzanya zwino.

¹⁹ Khamusi nda vhuedzedza banga vhudzuloni halo, huno nda bvula gondolo, huno nda li vheya fhasi kha khunzikhunzi, huno nda imisa zwanda zwanga, nahone nda tzhemelela, “Bvisa gungwa la vhathe, Khotsi. Ndi khous ña hayani ano matsheloni.” U do vha henefho. Ni songo vhilaela. Ndi a zwi tenda hezwo. Ndi elekanya uri ulwo ndi lutamo lwa mbilu dzashu ñzothe.

²⁰ Zwino, ndi u tondwa huhulu u vha fhano madekwana a namusi na uyu mufunzi wavhuđi na tshivhidzo tshawe, na uyu mushumo u mangadzaho, na avha vha no khou dziilela kha Kristo, kha aya magumo a Phoenix. Ngauri, nga ngoho, ri vhane vha lwondoni. Ri vhafhiri na vhatsinda fhano. Ri khou ḥoda Dorobo.

²¹ Vhunga ndo vha ndi tshi khou amba matsheloni ano fhasi kha thaberenakele ya Mukomana Fuller, nga ha Mbeu ya Vhuhosi. Zwino, arali ni na theiphirekhoda, a thi vhuyi nda bula. Fhedzi ho vha na tshiñwe tshithu tsho iteaho ano matsheloni, tshe nda... Arali ni na theiphirekhoda, arali ni tshi wana iñwe ya dzitheiphi, ndi na ngoho ya uri ni do zwi takalela. Mukomana Maguire u nadzo, na *Mbeu ya Vhuhosi Ya Abrahamu*.

²² Ni a vhona, mbeu ya Abrahamu yo vha i Isaka, ane a vha wa Vhayuda, lwa mupo. Fhedzi Mbeu ya Vhuhosi yo vha i Kristo, nga kha pfulufhedziso, huno uri Kristo o vha e Ipfi la Mudzimu lo vhonadzwaho. Huno zwi mbiluni dzashu namusi vhunga ri... “Arali nda... Inwi dzulani kha Nne, na Ipfi Langa kha inwi, zwenezwo humbelani tshine na funa, huno ni ḥo itelwa tshone.”

²³ Zwino, ndo sumbedzisa hezwo, zwa Phoenix, zwifhinga zwinzhi u bva tshe nda vha hafha... Lwa u thoma ndi tshi khou ḥa ho no fhela miñwaha ya furaru-thanu. Huno n̄tha kha 16th na Henshaw, ndo dzula, ndo shuma kha Circle R Ranch nn̄da hafha, u bva kha Wickenburg. Huno nda ya na musidzana muñku heneffo kha 16th na Henshaw. Ndo ya u ḥoda fhethu liñwe ḫuvha, huno a zwi vhuyi zwa vha Henshaw na khathihi. Ndi Buckeye zwino. Huno ndi mudi muhulu heneffo kha nn̄du ya ḫhanganyelano ya Phoenix hafha. Tshiñwe na tshiñwe tsho shanduka nga u ralo.

²⁴ Huno mufumakadzi na nne ra gonya n̄tha ngei South Mountain, u lavhelesa murahu kha Phoenix. N̄do elekanya, kha miñwaha i no ḥodou swika madana mararu yo fhiraho, hu na khonadzeo ya ur̄i ho vha hu si na tshithu fhano nga nn̄da ha mmbwa dza daka, mikonde, na zwiñwe-vho. Huno zwino ndi dorobo khulu ya vhudi. Zwino, nda ri, “Mufunwa, naa yo shandukiswa kana yo shandiwa? Ni nga shumisa u nanga hanu. Kha nne, ho shandea zwino. Ngauri, hezwi zwifha ḥo zwiñwe na tshivhumbeo tshavhuđi zwi do vha zwavhuđi arali vhanna na vhasadzi vho vha vha tshi khou tshimbila n̄tha na fhasi zwiñaratani, zwanda zwavho zwo imiselwa kha Mudzimu, vha tshi renda Mudzimu, na vharathu na dzikhaladzi vha tshi khou tshila nga u ralo; madzuloni a u ñwa, u betsha, u daha, u zwifha, u tswa, zwiñpoto, tshiñwe na tshiñwe tsho vhifhaho. Vhukati ha hezwo zwothe, naho...”

Zwenezwo mufumakadzi a ri kha nne, “Zwenezwo, Billy, naa wo ḥela mini fhano?”

²⁵ Nda ri, “Fhedzi, mufunwa, tshee ra vha ro dzula hafha, miniti ya fumi-thanu, ndi mangana mazwifhi o no ambiwaho nga kha ilo govha? Ndi mingana miano yo no dzhiwaho, lone Dzina la Murena nga fhedzi? Ndi nngana sigarete, ndi zwi ngana zwinwiwa zwa wisiki, ndi vhungana vhupombwe ho no itwaho, huno hothe u mona heneffo, u tou vha na tshikhalyana, musi ri kha di vha fhano?”

A ri, “Naa izwo a zwi shushi?”

²⁶ Fhedzi nda ri, “Khezwi zwe ra ḥela zwone fhano, mufunwa. Ndi nngana thabelo dzi fulufhedzeaho dzo gonyela n̄ha u bva tshe ra vha fhano? ‘Ni Tshedza tsha shango.’ Ndi zwine ro ḥela zwone fhano, u vhea mahāda ashu na izwi zwivhidzo zwiṭuku hafha, ita tshiñwe na tshiñwe tshire ra kona, u thusa uri tshi bvele phanda. U vha . . .”

²⁷ Vhoinwi nothe, vhoinwi vhakhethwa, ni phaṭhutshedzo kha nne. Ndi a fulufhela uri ndi do vha phaṭhutshedzo kha inwi, ngomu ndo dala hafha. Huno nne, musi ndi tshi wanulusa uri ndi do swika he nda dalela dinomineisheni dzo fhambanaho na madzangano, na—na zwivhidzo zwo fhambanaho, na zwiñwe zwinzhi, vharathu nga kha muedzi wa Phoenix hafha, mbilu yanga yo vha yo dzikuswa. Izwo zwi da phanda ha khuvhangano ine nda khou yo amba, kha tshumelo ya Vhanna vha Bindu vha Vhakriste, Ndi elekanya, vhuragane ha matsheloni a Mugivhela, huno zwenezwo muṭangano wa masiari a Swondaha, u tevhela, iyo Swondaha i daho. Huno tshifhinga tshothe ndi u tondwa u ṭangana na avho vhakomana. Ndi elekanya urū vha na zwidzulo zwi no ṭođou swika mađana a fumbili-thanu heneffo. Hu do vha hu phera nnzhi dza u dzula u itela riñe rothe. Huno ri fhulufhela u tangana na inwi heneffo.

²⁸ Huno zwenezwo u vha na itsi tshifhinga tsha vhuṭama, u ya u bva tshivhidzoni u ya tshivhidzoni, huno u amba. Ndi elekanya uri ndo rera matsheloni ano u swika ndi tshi rera ipfi ḥanga la vha na manzaranzara, lwa awara na hafu. Huno uyo wo vha u mu pfufhi. Kanzhi a thi bvi phanda ha awara tharu kana nna dzadzo, ngei—ngei tshivhidzoni hayani. Ndi tou . . . a thi mureri. Ngauralo ndi—ndi tou ita phosho ya dakalo kha Murena. Ndi takalela u zwi ita zwavhuđi nga maanda. Ndi—ndi a humbulela uri ndi tou zwi funa, ngauralo ndi dzulela u zwi ita. Ndo vha na ṭhaluso nna kana ṭhanu dzo fhambanaho, ndo fara vhathe u swika tshifhinga tsho no ṭuwesa, ngauralo ndi a ḫivha uri izwo ndi ngoho. Huno madekwana a ḫamusi, zwa vhukuma, ri do vha ro no bva hafha phanda ha iri ya u thoma. Ndi, ndi tou ni fha vhuṭanzi ha hezwo. Ndi tou, nga kaṭukuṭuku . . . Vhudipfi havhuđi ha myua, huno na tshiñwe na tshiñwe tshi tshi funea, ndi na vhuṭanzi uri Muya Mukhethwa u do vha na phaṭhutshedzo kha riñe.

²⁹ Zwino, zwino a thi athu vha na tshumelo dza phodzo miṭanganoni. Ndi... Vhunwe vhusiku, fhasi kha mukomana... Dzina la Yesu, mufunzi o vha a mini? Mukomana Outlaw. Tshivhidzo tsha Mukomana Outlaw, ho vha hu na vhanzhi vhe vha ṭoda u rabelelwa. Huno ndo vha ndi na murwa wanga wa u kovha dziṅwe garaṭa dza thabelo. Huno zwenezwo masiku a si gathi, Muya Mukhethwa u tshi khou da nga maanda ngomu tshifhaṭoni, u swika... Noṭhe ni a divha. No vha ni miṭanganoni yanga. Vhoiwi noṭhe no ralo. Ni a vhona uri vhuṭalukanyi ho ita hani, na zwiṅwe zwinzhi. Fhedzi zwino ndo no zwi dzhiela nzhele uri zwi khou kuvhanganya vhanzhi u rabelelwa. Huno ndo dzhiela nzhele uri tsha u thoma, nga u thoma Lavhuraru na Lavhuna. Ndo elekanya uri ndi do lindela u swika nga murahu ha Swondaha, ngauri arali ni na tshumelo dza phodzo tshivhidzoni...

³⁰ Ni a vhona, ndo—ndo divhadza huiwe na huṅwe he nda ya uri muthu muṅwe na muṅwe a dzule fhethu hanu ha mushumo nga Swondaha, ni a vhona. Heyi miṭanganano ya tshipentshela hu tou vha u dalela vhakomana. Huno ri—ri ṭoda muṅwe na muṅwe a tshi vhulunga fhethu hanu ha mushumo, ngauri mufunzi waṇu o ni lindela, huno afho ndi hune na tea u vha hone.

³¹ Ngauralo zwenezwo—zwenezwo ndi elekanya, vhusiku ha matshelo, arali Murena a tshi funa, a thi... Naa ri tea u vha ngafhi vhusiku ha matshelo? [Ene mukomana a ri, “Hangei Tempe, kha tshivhidzo tsha Mukomana O’Donnell.”—Mudz.] Mukomana O’Donnell, Tempe, Arizona. Zwino, arali ni si na tshiṅwe—tshiṅwe tshithu tsha tshipentshela tshi no khou bvela phanda tshivhidzoni tshanu, huno ni na vhathu vha lwalaho, mulandu, ndi khou yo rabelela vhalwadze, vhusiku ha matshelo, nda tou vha na muduba wo doweleaho wa thabelo, nda rabelela vhalwadze, khamusi—khamusi Musumbuluwo, Lavhuvhili. Kha ri vhone, ndi tea... ndi... Oo, ndi na... Naa ndi na tshivhidzo tsha madekwana a Lavhuraru natsho-vho? [“Ee.”] Lavhuraru nga madekwana. Zwenezwo zwi...

³² Huno i thoma nga Lavhuna, naa izwo ndi zwone, khuvhangano? [Mukomana u ri, “Ndi nga ndi na zwithu...?”—Mudz.] Zwo luga, mukomana. U do ita ndivhadzo zwino. [“Ni a vhona, ri fhano madekwana a ḥamusi. Huno vhusiku ha matshelo ri kha Khuvhangano ya Mudzimu ngei Tempe. Huno zwenezwo Mountain View ngei Sunnyslope nga la vhufumbili-raru. Huno zwenezwo kha Khuvhangano ya Vhukati ha la fumbili-iṇa.”] Zwo luga, izwo ndi zwavhuḍi. [“Ndo vha ndi sa ḫoni u elelwa, nne muṇe. Ndo vha ndo ṭanganana khazwo.”] Ndi sa elekanyi nga ha hezwo.

Ndo vha ndi tshi khou amba ḥiṅwe ḫuvha, nga ha, “A tho ngo kona u elelwa.”

³³ Huno Mukomana Jack Moore a ri kha nne, a ri, “U elekanya uri wo khakha?” a ralo.

³⁴ Nda ri, “Mukomana Jack, ndi ya u amba, a thi koni u elelwa zwe nda vha ndi tshi khou amba ngazwo.”

³⁵ A ri, “Ni songo elekanya uri izwo zwo khakhea.” Ha pfi, “Ndi founa kha lūtingo, nda vhidza muñwe muthu, nda ri, ‘Naa ni do ṭoda mini?’” Zwo luga, izwo zwi khou khakhea nga maanda! . . . ? . . . Oo!

³⁶ Ngauralo, nne nne, izwo zwi nga pfala sa miswaswo, zwine a thi humbuli uri zwo luga u zwi amba kha phuluphithe hafha. Fhedzi vhana vha Mudzimu vha tou vha vhana vho takalaho, naho zwo ralo, ni a ḫivha, ngauralo ri—ri tou takalela u ralo. Ndo elekanya uri izwo zwo vha zwi tshi nga zwo naka.

³⁷ Vhoinwi nōthe, vhunzhi hanu, ni ḫivha Mukomana Jack Moore. U bva Shreveport, Louisiana, Life Tabernacle, mukomana wavhud̄i nga maanda. Huno ngauralo o vha a tshi khou mmbudza hezwo. Ndi rakhont̄iraka, nae-vho.

³⁸ A ri, “Ni songo elekanya uri izwo zwo vhifha, Mukomana Branham.” Ha pfi, “Ndo vhidza muñwe muthu liñwe ḫuvha, huno nda vhidza nomboro yawe.” Huno ha pfi, “Vha fhindula, ha pfi, ‘Ri a vusa.’ Nda ri, ‘Zwo luga, naa ni ṭoda mini?’”

Nda elekanya, “Zwo luga, izwo zwi khou tsa fhasi, Mukomana Jack.”

³⁹ Ngauralo zwino, ndi elekanya uri zwi do vha zwavhud̄i, huno idzi khonani dzine dza ṭoda u rabelelwa, nahone dza ḫisa vhathe vha lwalaho ngomu, zwenezwo ri do vha rabelela.

⁴⁰ Zwino, madekwana a ḫamusi, ndo elekanya nga zwine nda do amba madekwana a ḫamusi n̄tha hafha kha hetshi tshividzo tshiṭuku tshavhud̄i. Nda elekanya, “Zwo luga, a thi ḫivha uri mini.” Ndi tea u tou dzhia liñwalwa liṭuku, huno nda fulufhela uri Murena u do ṭanganyisa maipfi huñwe fhethu, huno nda li litsha la wa hune la do thusa muñwe muthu. U vha . . . na khathihī a thi lingedzi u dzhia liñwalwa, Tshifhinga tshothe ndi lingedza u pfa ndi tshi khadiwa, huno nda ḫwala fhasi tshivhalonyana tsha Mañwalo, na zwiñwe-vho. Huno—huno zwenezwo, arali Murena a tshi ranga phanda lwo fhambanaho, zwenezwo ndi tou ya vhunga A tshi ranga phanda. Huno ndi elekanya uri iyo ndi ndila ine rōthe ra tea u ita. A ni ralo? Itani nga ndila i fanaho.

⁴¹ Huno zwino hu na tshithu tshithihi tshire—tshire nda—nda ṭoda, tshiñwe na tshiñwe tsha tshividzo tshi ḫivhadza hezwi kha muvhili muñwe na muñwe wa hayani. Huno izwo ndi, zwauri arali . . . Musi no fhedza u rabelela mufunzi wañu na vhafunwa vhanu, ni songo hangwa nne, ngauri ndi a limuha, ḫuvha na ḫuvha, u fhira misi yōthe,uri ri khou da fhasi magumoni a ndila.

⁴² Huno ndo tou swiṭa mme anga, vhege dzi si gathi dzo fhiraho. Huno nda mu fara nga zwanda zwanga u swika Mudzimu a tshi dzhia mufemo wawe na myua wawe wa ya Tađulu. Nda lavhelesa ulwo lufu lwa muswonda lwa musadzi o đaddzwaho nga Muya Mukhethwa, huno nda mu vhona a tshi swika magumoni a ndila. Nda elekanya, “Oo, ndi—ndi fanela u vha na mme muňwe na muňwe nga u ralo. Ndi tea u ita tshiňwe tshithu uri ndi wane... nda ita zwine nda kona, uri vhatu vha vhone uri zwi amba mini.”

⁴³ Huno, khonani, ndi a kwengeledzea uri khańwe zwo dzivhafhala zwiętuku. Huno ndi elekanya uri ri zwi dzhia zwo leluwesa u fhira zwine zwa vha zwone. Ndi elekanya uri ri tea u elelwa. Arali Mudzimu e mukhethwa nga maanda u swika Vharuňwa vha tshi sedzea vho tshikafhalaho małoni Awe, naa ri vhonala hani? Ni a vhona? Izwo ndi zwone. Ngauralo ri ḥoda u elelwa. Huno elelwani, Mudzimu o dzula heneffo kha U Ya Nga Hu Sa Fheli, hune ha penya u fhira ḫuvha lothe kha sisteme ya ḫuvha. “Mukhethwa, mukhethwa, mukhethwa,” Vharuňwa vhe na dziphapha kha zwifhatuwo zwavho, na kha milenzhe yavho, vha tshi khou fhufha Vhuhoneni Hawe, vha tshi vhidzelela, “Mukhethwa.” Naa ri tea u vha mini? Ngauralo riñe... Izwo ndi zwine ra lingedza u ita.

⁴⁴ Huno—huno ndi pfa nga u ralo, Muvhuso wa Mudzimu, u tou fana na muthu we a dzhia mbule nahone a ya lwanzheni, Yesu a ri, huno a posa ngomu. Huno musi o no kokodzela nn̄da, a fasha tshaka nn̄zhi. Fhedzi khovhe yavhudži, a hu na zwińwe, yo vhulungwa; huno dzirwe khovhe dzi sa liwi yo vha i tshi humela murahu madžini, u fana na maganzhe, na—na nowa, mavhuluvhulu, na theraphini, na zwinwe zwinzhi. Fhedzi one mambule a Mafhungo-madifha a ya fasha dzothe. Huno ri khou... Hu do vha na tshińwe tshifhinga tshine ra do posa mbule lashedu la u fhedza, Mukomana Adams. Izwo ndi zwone. A si inwi kana nne u amba uri khovhe ndi ifhio i re yone na uri a si yone. A ri divhī. Ri tou posa mbule nahone ra li kokodza. Ndi zwenezwo fhedzi. Mudzimu u divhā Lawe ene muñe. “Havho vhe A dzula o vha divhā, O vha vhidza; na avho vhe A vha vhidza, O vha ita vho lugaho; na havho vhe A vha ita vho lugaho, O vha ȝneya vhugala.” Ngauralo ro lindela, a tshi posa mbule. Huno ndi u tondwa hanga madekwana a ȝamusi u ima tshivhidzoni tsha Mukomana Edmond hafha u thusa u posa mbule afha fhethu, u vhona arali hu na inwe khovhe ine Mudzimu a vha nayo ya Muvhuso Wawe.

⁴⁵ Zwino, phanda ha musi ri tshi vhala Ipfi, kha ri ambe na Muñe wa Ipfi zwiętukunyana vhunga ro kotamisa zwifhańuwo zwashu.

⁴⁶ Zwifhańuwo zwashu zwo kotama, nga u khethea ha itsi tshikhathinyana, uri ri khou sendela kha Ipfi la Mudzimu a tshilaho, ane a vha Mudzimu, Ndi a divhudzisa arali hu tshi

do vha na vhañwe vhathu-vho ngomu hafha vhane vha vha na khumbelo mbiluni dzavho, uri vha do takalela u elelwa thabeloni iyi. Zwi divhadzwe nga tshanda tsho imiswaho.

Murena Yesu, sedza vhathetshelesi, u divha mbilu iñwe na iñwe.

Ndi a ni livhuwa.

⁴⁷ Mudzimu wa tshilidzi nga maandesa nahone mukhethwa, Ramaandoathe, El Shaddai, we a vhonala kha Abrahamu nga Dzina la “Ramaandoathe, Mudzimu wa madamu, Muneti wa nungo, Mufushi wa vha shayaho nungo,” i da kha riñe madekwana a namusi, Khotsi. Huno ri limuwa u shaya nungo hashu na khakho dzashu. Ri bula zwivhi zwashu phanda Hau, huno ra zwi vhea kha alitari Yau ya khatulo, huno ra humbelu uri Malofha a Yesu Kristo a zwi bvise, kha tshithavhelo tshine ra ita. Zwi tendele, O Mudzimu.

⁴⁸ Ri nekedza matshilo ashu na zweþhe zwine ra vha nazwo, na uri ndi tshifhio tshifhiwa tshituku tshine ra newa thone. Murena, tshi shumise u itela vhugala ha Mudzimu.

⁴⁹ Fhaþutshedza itshi tshivhidzo, mufunzi watsho a funeaho, madikoni, vhalangandaka, na bodo yoþhe, na murado muñwe na muñwe a no da ngomu ha itshi tshivhidzo tshi vhidzwaho “Fellowship.” Mudzimu, ndi rabela uri vhanna na vhasadzi, musi vha tshi dzhena kha ilo vothi la hafha fhethu, uri vha do vha kha u susumedzea nga nthani ha maitele a vhuði a Muya Mukhethwa ngomu tshifhaþtoni. Zwi tendele, Murena.

⁵⁰ Hangwela zwivhi zwashu, na u pfuka hashu, ri a humbelu hafhu. Elelwani avho vho imisaho zwanda zwavho. Fhasi ha itsho tshanda, Murena, ho vha hu u humbelu ha mbilu tshinwe tshithu tshi bvaho kha Iwe, huno khañwe Iwe u woþhe fhedzi we wa kona u zwi ñea. Ndi rabela uri U do zwi tendela, Khotsi. Tshinwe na tshinwe tshine vha tshi toða, vha ñee thone nga vhuðalo. Hu na vhañwe vhalwadze, Murena, vha fhodze. Arali hu na muñwe ane a khou wa thungo ha ndila, khwathisani uyo muthihi, ilo gona li shayaho nungo. “Lutanga lwo khudzulwaho, A lu nga vundwi, kana tshikenzenke tsho dzimuleaho Ha nga tshi tsimi.” Huno ri a zwi divha uri na khathihi O vha a si nga humise lutanga lwo khudzulwaho; O vha a tshi do lu thogomela. Huno ndi a rabela, Khotsi wa Taðulu, arali hu na mimuya yo vhaisalaho, kana—kana yo nyamiswaho, kana zwanda zwi si na nungo two nembelela fhasi, huno magona o khuvhuwa, ngavhe vha tshi takulewa nthi madekwana a namusi, Murena. Ngavhe Muya Mukhethwa u tshi da huno wa fhodza mbilu dzashu na mimuya, na mivhili yashu ya ñama, huno ri do Mu ñea thendo dzoþhe khazwo. Ri zwi humbelu nga Dzina la Yesu. Amen.

⁵¹ Arali ni tshi do takalela u fhenda kha Luñwalo, u amba ha lwa miniti i no toðou swika furaru fhedzi, Ndi do takalela inwi ni tshi vhala na ññe kha bugu ya Nzumbululo, ndima ya vhu19.

Huno ndi ḋo takalela u vhala fhasi kha ndimana ya vhu⁷, yo katelwa.

Huno nga murahu ha hezwi zwithu nda pfa ipfi lihulwane la vhathe vhanzhi ngei ṭadulu, li tshi ri, Haleluya; U tshidzwa, . . . vhugala, na khuliso, na maanda, kha Murena Mudzimu washu:

Ngauri ngoho na u luga ndi khaṭhulo yawe: ngauri o haṭula phombwe khulu, ye ya tshikafhadza lifhasi nga vhuāda hawe, nahone o lifhedza malofha a vhadiṇda vhawē zwanḍani zwave.

Huno hafhu vha ri, Haleluya. Huno vhutsi hawe ha duba u itela lini na lini.

Huno magota a fumbili-inā na mavhanda maṇā a gwadama fhasi nahone a losha Mudzimu we a dzula kha khuluṇoni, a ri, Amen; Haleluya.

Huno ipfi la bva kha khuluṇoni, li tshi ri, Rendani Mudzimu washu, vhoiṇwi vhadiṇda vhawē vhoṭhe, na vhoiṇwi vhane na mu ofha, nothe vhaṭuku na vhahulwane.

Huno nda pfa vhunga ho vha hu ipfi la mawhuthu mahulwane, huno sa ipfi la mađi manzhi, nahone sa ipfi la muthathabo muhulu, li tshi ri, Haleluya: ngauri Murena Mudzimu ramaandaoṭhe u ya vhusa.

Kha ri khane nahone ri pembele, huno ri mu fhe khuliso: ngauri tshimima tsha Ngwana tsho ḋa, huno mufumakadzi wawe o no ḋilugisa.

⁵² Ndi takalela u amba madekwana a ḡamusi nga ha ṭhoho ya: *Mbingano Ya Ngwana*, lwa zwifhinganyana zwi si gathi fhedzi u . . . Ri divha nga maanda ulu Luṇwalo. A hu na u timatima uri mufunzi waṇu a funeaho hafha o no ḋa kha ino therō zwifhinga zwinzhi.

⁵³ Huno, izwo, ri a zwi divha uri hu khou yo vha na Muselwa, huno hu khou yo vha na tshilalelo tsha munyanya tshi no do itea tshikhaliṇi. Izwo zwi tou vha na ngoho ya u vha nga u ralo, sa zwine Mudzimu a vha zwone, ngauri ndi Ipfi Lawe. Huno ri a zwi divha uri avho vha no khou yo ita uri uyo Muselwa u khou yo vha Tshivhidzo Tshawe, huno vha khou yo bvelela phanda Hawe hu si na badzi kana tshilavhi. Huno vha na matheria la kha lifhasi zwino u ḋilugisa. Arali na dzhieila nzhele, Lo ri, “O ḋilugisa ene muṇe.”

⁵⁴ Ngauralo vhanzhi vha ri, “Arali Murena a tshi do bvisa uyu maya muvhī kha nne, u bva kha u ḡawa, kana u bva kha u betsha, kana u bva kha u zwifha, kana u tswa, ndi ḋo Mu shumela.”

⁵⁵ Fhedzi izwo zwi kha inwi. Ni a vhona, ni tea u ita tshinwe tshithu, na inwi-vho. “Avho vha no kunda vha do wana ifa la zwithu zwoṭhe.” Avho vhane vha kunda. Ni na maanda a u zwi

ita, fhedzi ni fanela u funa u zwi vhea fhasi. Ni a vhona? “O no Dilugisa.” Ndi takalela iło Ipfi.

⁵⁶ Ni a vhona, Mudzimu o vha a sa koni u ri sukumeda za nga kha phaiphi ḥukhu, a ri kokodzela nn̄da kha a ḥa mañwe magumo, huno zwenezwo ra ri, “Mufhaṭutshedzwa ndi uyo a ne a kunda.” A no ngo vha na tshithu tsha u kunda; O tou ni sukumeda za. Fhedzi ni tea u ḥidzhiela tsheo. Ndi tea u ḥidzhiela dzitsheo. Nga u ita hezwo, ri sumbedza lutendo lwashu na ḥonifho kha Mudzimu.

⁵⁷ Abrahamu o fulufhedzis wa nwana, fhedzi u fanela u vhulunga iyi pfulufhedziso lwa miñwaha ya fumbili-ḥanu, u tsa na u gonya he a vha naho, na milingo, kha iyo miñwaha ya fumbili-ḥanu. Fhedzi o farelela kha ipfi ḥa pfulufhedziso.

⁵⁸ Huno Isiraele o fulufhedzis wa shango ḥo fulufhedzis wa ho, fhedzi vho do tea u lwela tshipida tshiñwe na tshiñwe tshaḥo. “Huñwe na huñwe hune vhukando ha nayo dzanu ha kanda, hafho ndo ni ḥea hone,” Mudzimu o ralo kha Yoshua. Zwoṭhe zwe vha zwi heneffo. Shango lo vha li heneffo, huno Mudzimu a vha ḥea lone, fhedzi vha fanela u lwela lone.

⁵⁹ Nga ndila i fanaho na ine zwa vha ngayo malugana na phodzo ya Muya. Mudzimu u na maanda a u ni fhodza, arali ni na tshivhindi tsha u zwi ḥanganedza, fhedzi ni do lwela tshipida tshiñwe na tshiñwe tsha ndila.

⁶⁰ Mudzimu u na tshilidzi tshi mangadzaho tsha u tshidza, huno U do zwi ita, fhedzi ni do lwela tshipida tshiñwe na tshiñwe tsha ndila yaṇu.

⁶¹ Ndo vha ndi murahu ha phuluphithi, ndi tshi khou bvela phanda miñwaha ya furaru-nthihi, huno tshipida tshiñwe na tshiñwe tsha iyo yo vha nndwa, lu sa fhidzi. Zwa vhukuma zwe ralo.

⁶² “Fhedzi ri fanela u lwa arali ri tshi fanela u vhusa.” Ngauralo ri a wanulusa uri Muselwa u tea u Dilugisa. “Ni tshi funa u vhetshela dubo muhwalo muñwe na muñwe une wa ri tanga nga ndila i leluwaho, uri ri kone u gidima nga u kondelela yone mbambe yo vheiwo phanda hashu.” Ri fanela u i vhetshela thungo, rine vhaṇe. Ri nga si kone u ri, “Mudzimu, U de, u i vhetshela thungo u itela riṇe.” Ri tea u ita hezwo, riṇe vhaṇe.

⁶³ Zwino, ndi takalela u elekanya nga ha munyanya. Ndo vha na pfanelo ya u malisa vhatu vha si gathi vhukuma. Huno ndi a elekanya, musi ndi tshi q̄isa muñhannga muswa na musadzi muswa fhasi kha aliṭari, huno nda vha vhona vha tshi tsela fhasi nga kha tshivhidzo; huno ene, o naka na zwi ambaro zwawe zwa mutshato zwe ambarwa, na lupila kha tshifhaṭuwo tshawe nahone lwo nembelela fhasi; huno na muhwe, tswititi, o ambara lwo nakaho; muñku nahone o ḥala maanda, musi vha tshi tsela fhasi heneffo kha tshavho tsha khwinesa tsha vhutshilo, huno vha ḥdziya uyo muano wa mbingano, ndi elekanya uri

hu na tshiñwe tshithu tshavhudì nga hazwo. Hu na tshiñwe tshithu tsho khetheaho, ngauri zwi nkhubudza uri hu ño vha na muñwe munyanya muhulwane linwe duvha, musi Muselwa wa Kristo a tshi ño ña a tshi khou tshimbila kha dziphasedzhi dza Vhugala.

⁶⁴ Muhwe u ño lugisa tshiñwe na tshiñwe. Hu ño vha na munyanya na tshilalelo. Ri funa hani u elekanya nga ha u dzula ñafulani roþhe, na u khaðana zwanda, na miñodzi i tshi khou elela maramani ashu. Huno elekanyani, U ño ña, a fluluña miñodzi yoþhe maþoni ashu, a ri, “U so ngo lila. Zwo fhela zwino. Dzhenani madakaloni a Murena o lugiselwaho inwi u bva tshe shango la sikwa.” Oo, mukomana, hezwo zwi ño ri ita uri ri funane.

⁶⁵ Ndi elekanya uri iyo ndi yone thaidzo kha Tshivhidzo, Muselwa ñamusi, we a itwa nga zwivhidzo zweþhe zwi no tenda kha Kristo. A si tshifhaþo tsha tshivhidzo, nahone a si dzangano kana dinomineisheni, fhedzi ndi vhathu vha re tshivhidzoni vha no ita Muselwa.

⁶⁶ Ndi na khonani yavhudì ngei Louisville, Kentucky, Dokotela. Wallace Caubles, we a vha e mushumeli wa Tshivhidzo tsha Kristo, huno vha dzhena ngomu nahone vha ñanganedza Muya Mukhethwa, na vhafunzi muñwe wa vhahulwane, zwivhidzo zwiulwane ngei Louisville, tshivhidzo tsha Open Door. O vha khonani ya vhudi kha nne. Huno maðuvha a si gathi o fhiraho, ndo vha ndo ima tshiþaraþani, huno nda mu vhona a tshi tsa na tshiþaraþa. Huno tshifhinga tshothe ndo mu funa, nahone o mpfuna.

⁶⁷ Fhedzi linwe duvha o vha e na muaro wa thanga, huno o vha a tshi khou bva malofha lu isaho lufuni. Huno vho vha nae ngei fhasi kha Tshibadela tsha Saint Joseph, huno vha ri o vha a tshi khou fa. Huno Vho. Mme McSpadden vho mmbidza, vha ri, “Dokotela. Wallace Cauble.” A thi athu mu ñivha, fhedzi ndo zwi ñivha uri ho vha hu na tshivhidzo tshihulu tsha Open Door. Ha pfi, “U khou fa. Madokotela o mu nea dzidzhekiseni, tshiñwe na tshiñwe-vho. Vha dzhenisa banditshi ngomu. U khou dzulela u nzuruma malofha, huno a vha koni u imisa malofha. Malofha awe a nga si ende, huno, ni a ñivha, u imisa u nzuruma.” Huno ha pfi, “Vha na vhafunziruña ngomu heneffo, huno vha ñoda ni tshi ña, na mu rabelela.”

⁶⁸ Zwo ralo, ndo vha ndo pfa uri ndi Dokotela. Wallace Cauble, ngauralo ndo vha ndo ñigeda zwiþuku, fhedzi nda ya. Huno musi ndi tshi sedza lufherani lwa sibadela, ho vha hu na vhafunziruña na vhashumeli vhahulwane, vhoþhe ngomu heneffo, vha tshi khou lila nahone vha tshi rabela. Huno nda elekanya, “Oo, nne nne! Nne muþuku, muvhumbuluwi mukhethwa, a tshi dzhena heneffo? Ndi khwine ndi tshi dzula nnnda heneffo.” Ngauralo nda dzula nga murahu ha mutshini wa

Coke nga hangei holoni. Nda rabela kha Mudzimu, u—u imisa malofha, u itela Mukomana Cauble. Nda humela murahu fhasi huno nda bva.

⁶⁹ Ndi kha di bva u swika hayani, lwa miniti i no ḥodou swika fumi-ṭhanu, huno luṭingo lwa lila hafhu, huno ri khou ḥoda u qivha uri vha khou lengiswa nga mini, na uri ndi ngani u sa aṭhu swika. Huno nda ri, “Ndi—ndi a da. Fhedzi ho vha hu na vhanzhi nga maanda ngomu heneffho. Ndo—ndo tou pfa ndi sa khadei u dzhena, khamusi, ni a vhona, vhanzhi nga maanda, vhashumeli vhahulu ngomu heneffho.”

⁷⁰ Zwenezwo a ri, “Idani zwino.” A ri, “Ene munna a nga si tshile fhedzi tshifhinganyana tsho salaho.”

⁷¹ Ngauralo nda humela murahu hafhu, hafhu. Huno musi ndi tshi dzhena ngomu heneffho, o vha a tshi khou lingedza u wana khaladzi wa Katolika uri a ḥanganedze Kristo sa Mutshidzi wawe; huno ene a tshi khou nzuruma, na malofha a tshi khou shuluwa u bva mulomoni wawe. Nda dzhena ngomu.

Huno a ri, “Hu ita hani?”

⁷² Huno nda ri, “Hu ita hani?” O vha o dzula mmbeten, nahone a tshi hotola nga u ralo, na malofha a tshi khou bva.

Huno a ri, “Dzina lau ndi nnyi?”

Huno nda ri, “Ndi nne Mukomana Branham.”

⁷³ Huno a thoma u lila, a nkuvhatedza nga zwanda zwawe. Nda gwadama heneffho fhasi.

⁷⁴ Zwino, ndi nne Dokotela. Wallace Cauble, wa tshivhidzo tsha Open Door ngei Louisville. Mu waneleni vhurifhi. “One malofha o ima wonoyo muthethe.” Ha ngo dovha a bva, u bva tsheetsho. Ni a vhona? Huno ro vha nga maanda, khonani dza vhuḍi u bva tsheetsho. Huno liñwe ḫuvha, nda ḥanganana nae. Huno a ri . . .

⁷⁵ Oswald J. Smith, vhunzhi hanu ni a mu qivha Mukomana Smith. Ndi mufunziruṇwa muhulu, huno u da kha Mukomana Cauble's, ngauri u mu funa nga maanda. A ri, “Mukomana Cauble, ni a qivha,” a ri, “Ndi . . .” Tshinwe tshithu nga ha mufumakadzi wawe. A ri, “Musi ndi tshi thoma u mala,” ha pfi, “Ndo pfa unga, zwo luga, arali nda ita khakho, ndi do ralo, oo, ndi nga wana muñwe,” ngauri o vha e muswa. “Fhedzi,” ha pfi, “nga murahu ha musi vhana vha tshi da,” ha pfi, “zwenezwo zwi a konda u ita u si nae. Zwenezwo musi ni tshi vha na miñwaha i no ḥodou swika fuṭhanu, ni nga si tou kona u ita ni si nae. Huno musi ni tshi aluwa, mulandu, inwi—inwi ni pfa nga iyo ndila.”

Nda ri, “Ndi a humbulela uri izwo zwi ḥodou vha zwone.” Ndo vha . . .

⁷⁶ Zwe ḥoho ya da nga hazwo, ni a qivha uri vhaftumakadzi vha kona u renga hani, na mufumakadzi wanga o vha e ngomu heneffho. Huno ndi khosikadzi yazwo zwoṭhe. U tou dzula

tshifhinga tshothe. Milenzhe yanga i ḥungufhadzaho ya ṭodou mbulaha, ndi tshiṭaraṭani ndi tshi khou mona nae. Huno o vha a tshi khou mmbudza, a ri, “Zwo luga, u nga si tou kona u ita u si nae.” Huno iyo ndi ndila ine ḥihumbulwa ḥa da.

⁷⁷ Musi ndi tshi ya hayani, nda dzula lufherani heneffo, ndi tshi khou elekanya, “Izwo ndi zwone.” Nda lu shumisa kha tshiñwe tshithu-vho.

⁷⁸ Ni a ḥivha, musi ndi tshi thoma u shandukiswa kha . . . nda vha mureri wa Vhurumiwa ha Baphuthisi, nda elekanya, “Arali muthu o vha a si Mubaphuthisi, o vha a songo tou tshidzwa. Ndi zwenezwo fhedzi zwe zwa vha zwi hone khazwo.” Huno nda hwala Bivhili phasi ha tshanda tshanga, nahone nda elekanya uri Murena o mmbidzela u ita uri muñwe na muñwe a vhe wa Baphuthisi. “Huno muñwe na muñwe we a si tende u tou fana na zwe Vhabaphuthisi vha tenda, vho vha vhe si kha tshifanyiso na luthihi.”

⁷⁹ Vhunga maduvha o bvela phanda, ndo elekanya uri ndi na mushumo wothe une nda tea u ita, nne muñe. Huno nda da u wanulusa, ndo dzhieila nzhele muñwe mukomana we a vha e na tshivhidzo, mufunzi. O kokodza-vho, nga maanda sa zwe nda ita. Itali, nguvho yo ḥaramuwela khae zwiṭuku na yone-vho, ni a ḥivha.

⁸⁰ Zwenezwo ri wanulusa, ri a ṭodana. Huno zwino, nga murahu ha musi ro no thoma u swika hafha, zwi tou konda u ita ri si na muñwe. Ndi zwenezwo fhedzi. Ri tea u vha na muñwe, uyo. Huno ndi a tenda uri izwo zwi kha uyu mutshimbilo muhulwane wa pentekoste. Ndo takala u vhona idzo mbondo dza phambano dzi tshi khou wela phasi, tshivhidzo tshihulwane tsha Mudzimu tshi thoma u ḥikuvhanganya fhethu huthihi kha vhuṭama. Zwi amba uri mutshato u khou ḥa tsini zwino. Huno matombo, o kwashiwa nga ndila i mangadzaho u ya nga hune a nga vha ngaho, a na fhethu huñwe fhethu kha itsho tshifhaṭo, arali vhe matombo a Murena.

⁸¹ Zwino, mbingano, nga tshipfi tshithihi, ndi tshifanyiso. Mbingano ya ḥifasi hafha i fanyisa mbingano ya ṭadulu. Zwino kha ri ye khazwo, lwa tshikhalyana, u zwi dovholola lwa tshikhalyana.

⁸² Tshithu tsha u thoma tshi re hone, hu fanela u vha na tsheo i no khou dzhiwa. Tshithu tsha u thoma, tsha u dzhia, nga mbingano ya mupo, ndi tsheo i no tea u dzhiwa. Mufumakadzi muswa u tea u dzhia tsheo yawe, uri kana u ṭoda uyu muñhannga; huno muñhannga muswa, kana u ṭoda musadzi muswa. Hu tea u vha na tsheo yo dzhiwaho, huno ni tea u i ita. U tea u vha a ene musadzi a eṭhe shangoni aye na mu funa, nahone u tea u vha munna a eṭhe. Arali zwi songo ralo, zwenezwo no dzhia tsheo yo khakheaho.

⁸³ Huno izwo zwi nga ndila i fanaho na kha u dzhia tsheo ya Kristo. Tshithu tsha u thoma tshine na tea u ita, ndi u lugisa muhumbulo wañu uri kana ni khou ya u shumela Mudzimu huno na Mu dzhiya sa Mutshidzi wañu, kana a ni khou ya u zwi ita. Naa ni khou yo shumela shango? Naa ni khou yo shumela Kristo? Ni tea u dzudzanya muhumbulo wañu. Hu tea u vha na tsheo yo dzhiwaho. Musi ni tshi dzudzanya muhumbulo wañu, uri ni khou ya u shumela Mudzimu kana mamona, zwenezwo ni a nanga. Fhedzi tsheo i tea u dzhiwa.

⁸⁴ Huno zwenezwo, nga murahu ha musi tsheo yo dzhiwa, uri no ralo, zwenezwo hu da u fulufhedzisana. Uri, ni wana hezwo kha alitare. Ni tea u ita khwañisedzo phanđa ha musi iyi mbumbano i tshi vha hone. Huno iyo ndi ndila ine zwa vha ngayo kha Tshivhidzo tsha Kristo. Zwo vha u fulufhedzisana na Kristo, yone—yone khumbelo, u fulufhedzisana, mafhungo a lufuno.

⁸⁵ Huno zwenezwo, tshithu tshi tevhelaho, ndi—ndi pfulufhedziso dzo itwaho. Hu tea u vha na pfulufhedziso dzo itwaho nga tshashu, vhunga ni tshi ita pfulufhedziso. “Dinga la mbilu, arali ni tshi nga mala, ndi fhulufhedzisa uri ndi do fulufhedzea na u vha wa ngoho. A thi nga do sedza munwe musadzi.” Kana, “A thi nga do sedza munwe munna. Huno ndi do ita izwo zwethe sa mushumo, sa mufumakadzi. Ri vha na vhana, zwi do ita zwethe sa mushumo vhunga—sa mme. Ndi—ndi do vha muñhogomeli wa nnđu.” Pfulufhedziso idzi dzothe dici tea u itwa, kana dza tea u ralo, kha munyanya wo lulamaho.

⁸⁶ Huno izwo ndi zwenezwo zwithihi musi ni tshi da kha Kristo. “Murena, arali U tshi do ntanganedza ngomu ha Muvhuso Wau, ndi a fulufhedzisa.” Khezwo. “Ndi do U funa. Ndi do vha wa ngoho kha Iwe. Ndi do U shumela, masiari na vhusiku.” Zwo vñifha nga maanda ngauri ri a zwi hangwa hezwo. “Ndi do U shumela, masiari na vhusiku. Ndi do didzima zwiliwa. Ndi do rabela. Ndi do fulufhedzea kha Iwe. Ndi do disa zwafumi zwanga duluni. Ndi—ndi do—ndi do rabela, zwifhingga zwinzhi nga duvha. Ndi do—ndi do ita tshinwe na tshinwe. Huno ndi do fulufhedzisa lufuno lwanga lwothe kha Iwe.” Izwo ndi zwine na tea u ita. Izwo ndi zwone kokotolo, hune na fulufhedzisa hezwo, huno zwi tea u bva mbiluni yañu.

⁸⁷ Arali na fulufhedzisa munna wañu hezwo, huno zwi sa bvi mbiluni yañu, ni amba zwenezwo, zwa vhukumakuma a ni khou tshila nga ndila yone nae. Ndi vhushaka vhure khagala.

⁸⁸ Sedzani hafha. Arali—arali ni si na mano, huno ni shumisa mano a mafanedza, zwino, izwo two luga. Ndi tshiimel tsha linjole na vhuya na vha nañlo. Fhedzi, zwavhuđi-vhudji, hayo mano ha ngo tumana na inwi. A si tshipida tshanu. Arali no vha na—na tshanda tsho tumulwa, huno na vhea tshanda tsha mafanedza nga ngomu, two luga, itsho tshanda zwa vhukuma a tsho ngo

ṭumekana na inwi. Tsho tou ṭomiwa kha inwi. Ni a vhona? A tsho ngo ṭumanywa na inwi.

⁸⁹ Huno musi ri tshi isa pfulufhedziso dzashu kha Kristo, arali ra sa vha tshipiḍa Tshawe, vhunga musadzi a tshi tea u vha tshipiḍa tsha munna na munna tshipiḍa tsha musadzi, zwenezwo ri Vhakriste vha mafanedza. A ro ngo ralo, zwavhukuma. A no ngo malana na uyo musadzi. Ni nga vha ni tshi khou fulufhedzea. Arali ni sa funi munna wanu, huno ene e na miñwaha ya furathi kana fusumbe, huno a ni mu funi zwavhuḍi sa zwe na ita u rangani, zwenezwo zwa vhukuma ni khou tou alusa vhana vhawe.

⁹⁰ Iyo ndi ndila ine zwivhidzo zwa vha ngayo, vhanzhisa ḥamusi. Ri khou tou dzhia dzina la “Tshivhidzo tsha Tshikriste,” u ḫiitisa u nga ri Muselwa. Musi, zwi zwa mafanedza. A ri na vhuṭumani na Kristo nga iñwe ndila. Ri tou fana na lino la mafanedza, tshanda tsha u mafanedza, iṭo la mafanedza. Ni a vhona? Ndi tshinwe tshithu tsha mafanedza arali ri tshi khou tou tshi vhea. Zwo ralo, ni nga si vhee Vhukriste. Ni tea u vha na vhuṭumani nazwo.

⁹¹ Huno zwenezwo tshivhidzo tshire tsha tou vha tsha mafanedza, tshi no vhidzwa tshivhidzo tsha Kristo, zwo luga, avho vhana zwenezwo a vha ho Henefho, vho bebwaho nga ḥenelo dzangano. Ndi fhedzi... A si vhana vha Kristo. Ndi vhana vha dinomineisheni, huno hu si vhana vha Kristo.

⁹² Arali musadzi a si na vhuṭumani na munna kha vhungoho, zwenezwo a si munna wawe. U tou vha munna we a dzhia muano wa u tshila nae, huno a ana muano wo khakheaho. O fulufhedzisa u mu funa, huno a ri o mu funa, nahone ho ngo zwi ita. Tshifhinga tshoṭhe, munna o fhurwa.

⁹³ Fhedzi hu na tshithu tshithihi tshi re na vhuṭanzi, khonani, a ri khou ya u fhura Kristo. U ḫivha Vhawe.

⁹⁴ Fhedzi, ni a vhona, tsha u thoma, tsheo i ya dzhiwa. Tshi tevhelaho, u fulufhedzisana. Zwenezwo, pfulufhedziso.

⁹⁵ Huno, zwenezwo, vhuṭambo. Huno izwo ndi musi muselwa—muselwa a tshi dzhia dzina la muhwe. Ha tsha vha nga itsho tshifhinga kha dzina ḥaw. U dzhia dzina la muhwe.

⁹⁶ Huno zwenezwo musi Tshivhidzo tshi na vhuṭambo, tshi tshi ita pfulufhedziso dzatsho, zwenezwo U dzhia Dzina la Muhwe. Zwenezwo A tshi tsha vha tshivhidzo tsha shango. Ndi tshone Tshivhidzo tsha Murena Yesu Kristo. Amen. Hu si... a thi khou amba, hezwo, nga dzina. Ndi khou amba, uri, nga Mbebo, nga mvelo, nga maanda a Mudzimu. Nga Ngoho yo dzumbululwaho ya Mudzimu, mbiluni, U vha Tshivhidzo tsha Tshikriste, tshone tshihulwane tsha ḥifasi ḥoṭhe Tshivhidzo tsha Vhakriste tsha apostola. U vha tshipiḍa tsha Kristo. Musi A tshi ita izwo, U... Kristo u džhenisa ngomu Hawe Muya Wawe Ene muñe, Vhutshilo Hawe. Huno Bivhili yo ri, kha Adamu na Efa, heneffho,

“A u tsha vha vhavhili, fhedzi muthihi.” Huno musi musadzi, Tshivhidzo, o malwa nga Kristo, ha tsha vha vhavhili. Ndi vhone Muthihi. Kristo kha inwi! Amen. Izwo ndi zwone. Vhutshilo Hawe ho dzheniswa ngomu haṇu, zwenezwo ni vha Muselwa.

⁹⁷ Zwenezwo, tshiňwe tshithu, nga murahu ha musi o no dzhia iyi miano yothe, na zwiňwe-vho, huno vhučambo ho no ambiwa:

⁹⁸ Vhunga, dzina la mufumakadzi wanga lo vha li Broy a sa athu maliwa. Zwino, ha tsha vha Broy. U Branham. Zwino, ha tsha vha Broy. U Branham.

⁹⁹ Huno musi ni tshi dzhena kha Kristo, a ni tsha vha wa shango. Ni vha Kristo. Ni a vhona? A ni na ndavha na zwithu zwa shango. Zwo fa kha inwi. “Ngauri uyo ane a funa shango, kana zwithu zwa shango, lufuno lwa Mudzimu a luho khae.”

¹⁰⁰ Ngauralo, inwi ni a vhona, ni nga si vhe Mukriste wa mafanedza. Ni nga vha wa mafanedza, wa u sokou qibula Mukriste.

¹⁰¹ Fhedzi ni nga si vhe Mukriste, na vha ene, u swika Kristo a tshi Didzhenisa, nga ndovhedzo ya Muya Mukhethwa, kha inwi. Zwenezwo no tumanywa Nae. A ni tsha vha vhavhili. Ni Muthihi. Kristo o fulufhedzisa u vha kha riñe, vhunga Khotsi o vha e kha Kristo. “Nne na Khotsi Anga ri Muthihi. Inwi na nne ndi Muthihi.” Ni a vhona? Kristo ngomu hashu! Zwothe zwe Mudzimu a vha e zwone, O zwi shululela kha Kristo. Huno zwothe zwe Kristo a vha e zwone, O zwi shululela ngomu ha Tshivhidzo, u isa phanda na mushumo wa Mafhungo-madifha.

¹⁰² Zwenezwo ri vha, hu si nga dzina la mafanedza, fhedzi nga vhukuma ha Muya Mukhethwa wa Vhutshilo u tshi ri tumanya ngomu ha Kristo. Zwenezwo, nga maanda a mvuwo Yawe, ro vuswa kha zwithu zwo faho zwa shango, nahone ro dzula Nae fhethu ngei Tađulu. Amen. Ndi a funa izwo. Madekwana a qamusi, ro dzula fhethu ha Tađulu kha Kristo Yesu, ni a vhona, o vuswa Nae; a fa kha zwithu zwa shango, huno a dzhia Kristo. Huno musi ri tshi dzhia kha Kristo, zwenezwo shango lo fa, zwenezwo a ri tsha londa shango. Shango lo fa kha riñe. Huno ri khou... Huno lo fa kha riñe, nahone ro fa khalo.

¹⁰³ Ni muthu o fhambanaho, vhumuthu ho fhambanaho, ngauri ni tsiko ntswa. Tsiko! A si tsiko yeneyo nthihi, yo pholishwaho; hu si mu—munna o fhenda tarì liswa. Fhedzi munna o faho, huno o bebwa hafhu, huno a vha tsiko ntswa kha Kristo Yesu, huno Muya wa Mudzimu a tshilaho u dzula kha muthu.

¹⁰⁴ Zwino, u tou fana na musadzi ane a sa tsha vha Broy, ndi ene Branham, huno u tshimbila nga ilo dzina.

¹⁰⁵ Huno Tshivhidzo a tshi tsha vha tsha shango, fhedzi tshi nga Dzina la Kristo, Tsho ralo. Tsho tumanywa Nae, nga Vhutshilo Hawe Ene muñe.

¹⁰⁶ Naa no no vhuya na vhala kha Luñwalo, uri muthu wa u thoma hani, Mudzimu o mu ita, o vha a—a vhathu vhavhili? Adamu o vha e zweithe Adamu na Efa, ri tshi amba nga lwa maya, fhedzi musi A tshi ita munna wa u thoma nga tshifanyiso Tshawe. “Huno Mudzimu ndi Muya.” Fhedzi, musi A tshi vha vhea namanī, O vha fhandekanya. O dzhia maya wa tshinna, a u vhea kha munna, huno a dzhia maya wa tshisadzi huno a u vhea ngomu ha musadzi.

¹⁰⁷ Zwino, musi ni tshi vhona musadzi a tshi ḥoda u ḥifara sa munna, hu na tshiñwe tshithu tsho khakheaho. Musi ni tshi vhona munna a tshi ḥoda u ḥifara sa musadzi, hu na tshiñwe tshithu tsho khakheaho. Ngauralo zwi vhonala unga shango ḥo khakha tshothe, nāmusi. Vhanna vha khou lingedza u ḥifara sa vhasadzi; vhasadzi u nga vhanna. Ndi zwone. Ndi ngoho.

¹⁰⁸ Zwino sedzani. Zwo khunyelela nga maanda, zwauri musi Mudzimu a tshi dzhia huno a ita munna, na u sumbedza uri Ho ngo zwi ḥoda kha tshiñwe tshithu tsho fhambanaho, musadzi o vha a sihō kha tsiko ya mathomo. Ngauralo haho kha tsiko, fhedzi ndi tshipiqa tsha Adamu. Ndi tshiñangula. U ya kha sia ḥa Adamu, hu si u ita tshiñwe tshivhumbwa, fhedzi u dzhia tshipiqa tsha tshivhumbwa huno vha ita tshiñwe tshivhumbwa ngatsho. Huno A dzhia maya wa tshinna we wa vha u kha Adamu... Huno a dzhia maya wa tshisadzini we wa vha u kha Adamu, kha ndi ralo, huno a u vheya kha musadzi. Ngauralo, zweithe maya na muvhili, zwi vha tshithihi.

¹⁰⁹ Tsho vha tshi tshifanyiso tshavhuđi kha zwe Mudzimu a ita ngei Khalivari. O dzhia Kristo, huno a Mu ḥanganyisa na Tshivhidzo, nga kha sia ḥo didwaho, O disa Malofha e a ḥanzwa muthu, ane a kunakisa nāma ya Tshivhidzo, huno a vhea Muya wa Mudzimu a tshilaho, we A u bvisa kha tshifhambano henefho, u bva kha Kristo, huno a U vheya kha muthu ene munē. Zwenezwo vha vhathihi. Vha vha vhathihi. Kristo na inwi ni muthihi.

¹¹⁰ Huno inwi na munna wanu ni tea u vha vhathihi. Arali hu na tshiñwe tshithu tsho fhambanaho, zwenezwo hu na tshiñwe tshithu tsho khakheaho kha vhuthihi hañu.

¹¹¹ Huno arali hu na tshiñwe tshithu tsho fhambanaho na rine, kha Kristo, a ri tendi Ipfi Lawe, i ri ni, “Oo, izwo zwo vha zwi zwa manwe maduvha,” hu na tshiñwe tshithu tsho khakheaho kha vhuthihi hashu Nae. Arali ni tshi ri, “Maduvha a madembe o fhira; a hu na phodzo ya Muya; a hu na ndovhedzo ya Muya Mukhethwa,” na shumisa izwo murahu huñwe fhethu, zwi no sumbedza uri Muya wa Kristo a uho kha inwi.

¹¹² Ngauri, “U rangani ho vha hu na Ipfi, huno Ipfi o vha a na Mudzimu, huno Ipfi o vha e Mudzimu. Huno Ipfi ḥa itwa nāma.” Huno zwenezwo musi Ipfi Lawe li tshi vha līhulwane kha inwi, zwenezwo, ni a vhona, ndi inwi na Kristo vhane na vha vhathihi

tshifhingani itsho. "Arali ni tshi dzula kha N̄e, na Ipfi Łanga kha inwi, ni nga humbela tshire na funa," ngauri a hu tsha vha inwi. Ndi Ipfi la Mudzimu, Kristo kha inwi. Ni vha muthihi. Zwo luga.

¹¹³ Zwenezwo, tshiñwe tshithu, nga murahu ha musi o ita izwo, nga murahu ha musi o no khunyeledza miano yawe, o dzhiya mbingano yawe, huno a dzhiya dzina la uyo ane a khou ya u vha munna wawe, dzina la muhwe, zwenezwo u mulaifa wa zwothe zwine a vha nazwo. Ndi mulaifa wa tshiñwe na tshiñwe. Mufumakadzi wañu ndi mulaifa wa zwothe zwine na vha nazwo.

¹¹⁴ Huno itsho ndi tshone tshithu tshire Tshivhidzo tsha vha tshone, arali Tshi tshi divhā fhedzi, tshi tshipiða Tshawe na Muya Wawe ngomu Hawe. A ri, "Mishumo ine Nda ita na inwi ni do ita-vho. Mihulwane kha iyi ni do ita, ngauri Ndi ya ha Khotsi Anga. Hu si kale, huno shango a li tsha do Mmbona; fhedzi vhoinwi ni do Mmbona, ngauri Ndi do vha na vhoinwi, na kha inwi, u swika vhufheloni ha shango." Zwenezwo ndi Kristo kha inwi. No tumanywa, nahone ni vhalaifa Nae.

¹¹⁵ Huno arali O vha e fhano kha lifhasi, naa U do vha a tshi khou itani? Ndi zwenezwo zwithihi zwe A ita henehfo, ngauri Ha shanduki mulovha, ñamusi, na lini na lini. U do vha na ndavha na mushumo wa Khotsi. U do vha a tshi khou fhodza vhalwadze. U do vha a tshi khou ita madembe. U do vha a tshi khou ita kokotolo zwe A ita musi O vha e fhano kha lifhasi, ngauri U dzula e a sa shanduki mulovha, ñamusi, na lini na lini. Zwo tou khunyelela. Iyo ndi mbingano.

¹¹⁶ Fhedzi, zwino, mini-ha arali uyu musadzi a maliwa, a dzhia iyi miano yothe na tshiñwe na tshiñwe, huno a vha musadzi wa uyu munna, huno ndi mulaifa wa zwothe zwine a vha nazwo, na zwiñwe zwinzhi, zwenezwo a thoma u bva ndilani? U thoma nga vhudifari ho bvaho. U thoma u kheluwa, a tshi gidima na vhañwe vhanna. Hu si hezwo fhedzi, fhedzi u khou kovha lufuno lwawe na vhañwe. Munna a re na mufumakadzi wawe, pfulufhedziso dzothe dze vha ita, huno zwenezwo a thoma u bva na u kovhela vhutshilo hawe na vhañwe, lufuno lwawe na zwipfi zwawe na vhañwe.

¹¹⁷ Ndi zwine vhunzhi ha vho no sokou vhidzwa Vhakriste vha ita, vha tshi kovha lufuno lwavho na shango: vha tshi khou lidza, vha tshi tshina, vha tshi betsha, vha tshi dzula hayani vha sa yi miñanganoni ya thabelo, u sedza thelevishini, tshaka dzothe dza zwithu zwa shango zwe zwa dzhia fhethu ha lufuno lwa Mudzimu, mbiluni ya tshivhidzo. O t̄uwa kha vhudifari ho bvaho. O bva ndilani. Uvho gidima na vhañwe vhanna. U khou kovha lufuno lwawe. U do bvisa tshafumi tshawe tshe a vha o tea u tshi nea tshivhidzo; u do tshi shumisa kha zwiñwe zwithu nnnda ngei shangoni. U do... Vhudzuloni ha u funa Mudzimu nga ndila ine

a tea u ita, na u tshilela Mudzimu, na u funa u da tshivhidzoni, inwi kaṭukuṭuku ni tea u mu fhembeledza uri a de.

¹¹⁸ Mulandu, ndi a divha, fhano zwi si zwa kale, mu—mushumeli o mmbudza uri o rumela thabelo nnzhi nga maanda... garata nnzhi nga maanda, u ita uri vhatu vha saine, uri vha do fulufhedzisa u da kha tshikolo tsha Swondaha fhedzi lwa minwedzi ya rathi u bva nwaha munwe na muñwe.

¹¹⁹ Huno ndo vhona musidzana muṭuku wa kale fhasi ha tshikwara heneffo, he nda vha ndi tshi khou shuma. Huno a bva heneffo. Huno ndo vha ndo ima muñangoni, nda khokhonya kha vothi, huno a da vothini. Huno o vha e vhañwe vha avha vhatambi vha basikete, ni a divha.

¹²⁰ U fana na hetshi tshigwada tshe vha tshi fara fhasi hafha Phoenix madekwe, ndi a tenda uri tsho ralo, vha tshi ita uhu u shadula ha—ha roko na rolo, kana vha thwisti, tshiñwe na tshiñwe tshire tsha vha, huno vho do tea u wana mapholisa uri a de a vha fare. Vhatu vhaswa, naa a ni pfectesi uri uyo ndi muya wa diabolo? Fhasi ha ṭhuthuwedzo, u swika vha sa divhi zwe vha vha vhe zwone, nnda zwiṭaraṭani, vha tshi khou bvela phanda.

¹²¹ Vhunga vhanwe vha avha vhadzia miswaswo, kana avha vhalidzi vha rekhodo, huno na dzidzhoki, na zwiñwe zwinzhi, vha tshi ya fhethu, ngomu doroboni ye nda vha ndi khayo. Huno vhabumakadzi vhaṭuku vha tshi bvula zwiambaro zwavho zwa nga ngomu huno vha zwi posa kha pulatifomo, u itela uri hoyu mutukana a saine. Naa a ni limuwi uri uyo ndi diabolo? Ndi muya wa maduvhani a u fhedzisela. Zwa vhukuma. Ndi u shonisa ho raloho. Khezwo-ha, u bva ndilani.

¹²² Uyu musadzi muswa, o bvela nnda, a tshi khou bvela phanda. O vha a sa vhuyi a zwi divha uri ndo vha... O nkhangwa ndo ima muñangoni. Huno a ri, “Oo, ni mpfarele. Ndo hangwa nga ha inwi no ima heneffo.” Huno a ita na u khisa ula muthu kha radio, onoyo we a vha a ene, huno a ri, “Ndi do ṭangana na iwe nnda ngei Greenbrier Patte,” kana tshiñwe na tshire tsha tsha vha tshi tshone. Vho vha vha tshi khou yo vha na luñwe lushaka lwa mutshino uvho vhusiku.

Huno nda ri kha Dokotela Brown, we a vha e khonani yanga.

¹²³ A ri, “Tshivhidzo tshau tshi hani nthā afho, Billy?”

A ri, “Zwo luga.” Nda ri, “Ri khou vha fha dziphilisi.”

A ri, “Ndi lushaka-de lwa dziphilisi?”

¹²⁴ Nda ri, “Mafhundo-madifha. Izwo ngoho zwi vha vhulunga vha tshi da tshifhinga tshothe.” Ni a vhona?

¹²⁵ Huno o mmbudza nga ha hezwo, a tshi saina idzo pfulufhedziso. Huno nda ri, “Dokotela Brown, naa ni elekanya uri uyo mutambi wa basikete kha iyo radio u do teya u ita uri uyo musidzana a saine iyo pfulufhedziso uri u do vha heneffo ayo madekwana? Na luthihi. O vha a tshi do rengisa zwiambaro

zwe a ambara, u swika heneffo.” Ndi ngani? Ndi tshiñwe tshithu ngomu hawe tshe tsha t̄umana nae, wone muya, kha u nyanyulwa uho ha shango.

¹²⁶ Huno u swika Tshivhidzo tsha Mudzimu a tshilaho, tshi no vhidzwa Muselwa wa Kristo, tshi tshi di wana tshi na vhuñumani na Mudzimu nga u ralo, u do di vhumbuluwa shangoni, kha vumba la tshivhi, u swika tshi na vhuñumani na Mudzimu nga ndila yo raloho, u swikela mbilu yaye yo dala vhugala na maanda a Mudzimu, u swika a sa vhoni tshiñwe tshithu-vho nga nn̄da ha Kristo. Izwo ndi zwone.

¹²⁷ Izwo ndi zwine ra do tea u ita. Iyo ndi pulane i yothe, mbekanyamushumo i yothe ine Mudzimu a vha nayo, ndi u ita tshithu tsho raloho. A ni tei u zwi dzhiya lwa mafanedza. Ni tea u bebiwa khazwo, hu si u khadana khazwo, kana u disa vhurifhi kha tshivhidzo. Fhedzi u bebwa Tshivhidzoni tsha Mudzimu a tshilaho, nga mbebo, nga maanda a mvuwo ya Yesu Kristo, izwo zwi ni ita tshivhumbwa tthiswa Khae. Amen. Izwo zwi a li onyolosa. Izwo zwi a zwi ita. Ngoho. Zwo luga.

¹²⁸ U ya bva ndilani. U thoma u kovhela lufuno lwawe na vhañwe, zwithu zwa shango, u nyanyulwa ha shango, a tshi khou ya fhethu hune ha tei u ya, a tshi amba zwithu zwine ha ngo tea u zwi amba.

¹²⁹ Hafha nga tshiñwe tshifhinga ndi...Vho vha vhe na vhafumakadzi...luñwe lushaka lwa tshimima tsha tshivhidzo kha phera ya n̄tha. Ndo sokou vha na tshiñwe tshithu tshire nda tea u ita basimende ya iyi nn̄du. Huno ndi a ni vhudza, ndo pfa zwiñwe zwithu zwi si zwavhuđi musi ndo vha ndi muitazwivhi, fhedzi, muñangano wa uyo musadzi, na khathihi a thi athu pfa miñwe miswaswo yo vhifhaho vhutshiloni hanga hothe. Naa ni nga humbulela, muthu a no vhidzwa Mukriste, a tshi do tendela tshika yo raloho i tshi bva khavho?

¹³⁰ Ni nga si kone u vha na a difhaho na madi avhudzi a bvaho kha damu lenelo lithihi. Na dzenisa bakete tshisimani, huno la bva lo dala mavhuluvhulu, ri a vhidza nga u ralo. Musi ni tshi dzenisa bakete fhasi hafhu, li do bvisa tshithu tshithihi. Damu li t̄oda u kunakiswa, na u dadzwa nga mađi avhudzi.

¹³¹ Ndi yone thaidzo na tshivhidzo namusi, u amba lwa lifhasi, uri tshi t̄oda u kunakiswa, u dadzwa nga mađi makhetwa a Mudzimu a bvaho Tađulu. Mbilu yaye yo no vha tivha la tshika la tshiñwe na tshiñwe tshi no da. U na vhafunani vha tshaka dzothe. Bivhili yo ri u do vha nayo. “Vhane vha funa zwa madakalo ū fhira u vha vha funaho Mudzimu, vha sa vhofhiwi navho fhungo la vha hone, vhasumeleli, vha sa divhofhi, na vhanyadzi vha avho vho lugaho.”

¹³² Ni a vhona musadzi ane a lingedza u tshila zwone, munna ane a lingedza u tshila zwone, u vha “muvhumbuluwi-mukhetwa,” u vha “wa vhusweleli ho kalulaho,” kana tshiñwe tshithu tsha

fesheni ya kale. Ndiene mulaṭwa. O nyadziwa huno a landulwa nga vhatu vha lino shango. Izwo ndi zwone.

¹³³ Fhedzi no vhuya na dzhieila nzhele zwine Tshivhidzo tsha vhukuma tsha tea u ita? Kha Testamente Ndala, musi vho vha vhe na tshi—tshiḥavhelo, vho vhulaha tshinoni tshithihi, huno vha vhea malofha a tshiňwe kha tshiňwe, mufarisi o faho; huno la fhufha u budekanya lifhasi, li tshi phadaladza malofha a mufarisi o faho. Musi Tshivhidzo tshi tshi vha Muselwa wa vhukuma wa Yesu Kristo, Tshi do hwala Malofha a Yesu Kristo Nae, a tshi khou a shasha mavuni, a tshi khou vhidzelela, “Mukhethwa, mukhethwa, mukhethwa, kha Murena.” Mufhe wawe, tshiňwe na tshiňwe tshawe tshi do vha tsha Mudzimu. Mvumbo yawe yothe i do vha ya Mudzimu. Ni nga si lavhelele tshiňwe tshithu-vho.

¹³⁴ Ndi ngazwo vhatu vha tshi da tshivhidzoni, na vhone-vho. Hu si u tamba magaraṭa na phoka, u tshima luvhandeni, vha vha na sobo dza zwi lalélo na zwithu zwa u ralo. Izwo ndi zwa shango. Huno na khathihi ri nga si kone u vhambedza navho, nahone ḥtoni kha riṇe nga n̄thani ha u zwi lingedza. Ri tea u rera Muya Mukhethwa, nga maanda, na mvuwo ya Kristo. Ri na tshiňwe tshithu tshire vha sa vhe natsho. Kha ri zwi tshire, hu si u lingedza u kopela khavho. Tshilani zwine ra ḫivha uri ndi zwone. Tshilani kha Kristo. Yesu o ri, “Arali nda takuelwa n̄tha, ndi do kokodzela vhatu vhothe kha Nne. Ni muṇo wa lifhasi. Fhedzi muṇo wo xedza muthetshelo wawo, zwenezwo a u tsha farisa tshithu hedzi u poswa nn̄da na u tshimbilwa nga milenzhe ya vhatu.” Vhutanzı hashu!

¹³⁵ A zwi mangadzi, na zwigwada zwashu zwa Pentekoste, zwo vhifha u fana na musi ndi tshi vhenga u zwi amba, zwigwada zwashu zwa Pentekostala zwi khou wela kha tshithu tshithihi, heneffo kha maitele mathihi. Huno a zwi mangadzi vhatu vha tshi ri a vha na zwine vha amba uri vha nazwo. Itshi Tshivhidzo tsha nyito ya pentekoste tshi tea u vha tsho vhoxwaho zwinzhi nga maanda a Mudzimu Ramaandaothe, u swika Vhutshilo honoho ha Yesu Kristo vhu tshi do vhoniswa Khaho.

¹³⁶ Fhedzi ri ḥoda u edzisela shango. “Ri khou yo zwi ita, naho zwo ralo.” Ni a v̄hona? “Ri ḥoda u vha na ndila yashu nga hazwo.” Fhedzi a ro ngo tea u zwi ita. Zwo khakhea u zwi ita. Zwone zwivhidzo zwi tou fana na mufumakadzi, o bva n̄dilani.

¹³⁷ Tshithu tsha u thoma ni a ḫivha, u vha o lugaho tshothe, u rangani musi Mudzimu a tshi beba hetshi Tshivhidzo tsha pentekostala, lwa miňwaha ya fuiṇa kana futhanu yo fhiraho. O tshila e mukhethwa. O vha e mukhethwa. Maanda a Mudzimu o vha e nae. Fhedzi vhunga ri tshi bvela phanda, ri thoma u tevhela shango.

¹³⁸ Tshithu tsha u thoma ni a ḫivha, ri tea u vha na tshifha tsho hulesaho nga maanda lunē tsha tea u fhira Vhamethodisi

kha iñwe khuda. Ri teya u vha na tshiñwe tshithu tshihulwane nga maanda, tshithu tshihulwanesa, na tshithu tshihulwanesa, na tshithu tshihulwanesa. Zwi a fana. Vhunzhi hashu ri a di qihudulusa musi ri tshi wana... Mukomana wa Pentekoste u vhona muñwe muthu fhasi, vhurumiwa vhułuku, kana tshivhidzo tshitukułuku, huno vha ya kha tshivhidzo tshihulu. "Ri vha tshivhidzo tsha u thoma, kana tshivhidzo tshihulu," kana tshiñwe tshithu tsho raloho; vha sedzeni fhasi khavho.

¹³⁹ Zwine na ḥoda ndi Muya Mukhethwa, u ni dzinginyisa zwiłuku, izwo ndi zwone, u ni qihvisa uri ndovhedzo ya vhukuma ya ngoho ya Muya Mukhethwa u do ita uri suthu yavhuđi i bvise zwanda zwayo u mona kha maavorolo huno ya ri "mukomana." Ndi zwone. Tshidzo ya tshifhinga tsha kale, maanda a Mudzimu Ramaandaothe, ee, muñe wanga, u do ita rokho ya kale i re na siliga yo kuvhatedza kha khalikho, huno a ri, "Khaladzi, ndi a ni funa." Ngoho zwi do ralo.

¹⁴⁰ Fhedzi ri tshi thoma u bva na shango, ra kungwa nga magabelo. Tshivhidzo tshashu tshi na. A ri tei u amba nga ha Vhamethodisi na Vhabaphuthisi na khathihi. Ndi rine vhañe. Zwi kha maimo ashu. Ndi ngazwo Muya Mukhethwa u sa koni u tshimbila. Ndi ngazwo ndi tshi ri Mudzimu a nga si vheye thendelo Yawe kha tshiimiswa na tshithihi madekwana a ńamusi. Ngauri, Vhannda a vho ngo bviswa sa lushaka. Vho vha vhe vhatu vha bvaho kha Vhannda, u itela Dzina Ławe. Mudzimu u do dzhia muthu nga muthihi.

¹⁴¹ Zwino, ndi elekanya uri madzangano ashu a ita mushumo wavhudzi. Izwo zwo luga. Fhedzi ni nga si ditike nga hezwo, na ri, "Ndi mupentekostala, ngauri ndi wela kha dzangano la Pentekostala." Ni mupentekostala musi ni tshi wana tshenzhemo tsha pentekostala. A thi na ndavha arali ni wa tshivhidzo tsha Katolika, ni pentekostala. Ni nga si kuvhanganye Pentekoste. Pentekoste ndi tshenzhemo, hu si tshiimiswa. Huno izwo ndi zwone.

¹⁴² Fhedzi rine vhatu vha Pentekostala ro thoma u elekanya, ngauri ri na ḫrina la Pentekoste, ri nga bvela phanda huno ra tshila shangoni, ra ita tshiñwe na tshiñwe tshire ra ḥoda. Ri nga namela thawa ya Nimirodo; i do ya milorani. Vhunga ḫari la muhuyu la Adamu; u do humela murahu. Vhunga mutalo wa Siegfried ngei France, mutalo wa Maginot ngei Germany; wo kwashekanywa.

¹⁴³ Ngauri, a hu na iñwe thawa, a hu na mañwe maimo. "Fhedzi Dzina la Murena ndi thawara khulwane ya vho lugaho vha gidimela khayo nahone vha vhulungea." Musi ni tshi gidimela ngomu Halɔ, inwi ni dzhia Dzina, Dzina; hu si u tou vhidza Dzina fhedzi, fhedzi Dzina na muthu ane na vha ene, U fana na Kristo vhatshiloni. Amen. U a mangadza. Ee.

¹⁴⁴ Tshivhidzo tsho ita zwi fanaho, tshi khou ita vhuṭudzi ha tshimuya, sa musadzi a no do kovha lufuno lwawe kha munna wawe na muñwe munna. Uyo musadzi ho ngo tea u tshiliwa nae. Ni a zwi ḋivha hezwo. Huno musi tshivhidzo tshi thoma u kovha vhuṭama hatsho na shango, Mudzimu ndi Mudzimu wa vivho. O bvisela Isiraele kule nga n̄thani ha hezwo, huno Murwa Wawe u do vhea tshithu tshithihi kule.

¹⁴⁵ U khou yo vha na Muselwa a si na tshilavhi Khae. Amen. O ṭanzwiwa tshothe nga Malofha a Ene mune. Izwo ndi zwone. Ngauralo ri vhona he ra ima hone, munyanya u tshi khou lugela u da.

¹⁴⁶ Zwino, ri wanulusa uri u ita vhuṭudzi ha tshimuya, vha tshi bvela nn̄da na shango, vha tshi bula tshiñwe tshithu, vha tshi tshila tshiñwe tsho fhambanaho. Izwo a zwi nga shumi na khathihi. Zwine tshivhidzo tsha tea u ita, ndi u ita vhunga zwe Esitere a ita. Esitere o hana u naka ha shango.

¹⁴⁷ Ri a ḋivha iyo bugu ḫukhu ya Esitere, uri uyo Maradokai hani... Malume awe vho vha vhe na n̄wananyana. Huno ho vha hu fhasi nga zwifhinga zwa u vhusa ha Meda na Vhaperesi. Ndi tshifanyiso tshavhudzi heneffho. Khosi, inwe ya dzikhosi khulwanesa shangoni nga ilo ḫvduha, o vha e na tshimima tshihulwane. Huno a vhidza khosikadzi uri i de i dzule tsini nae, fhedzi o vha a si nga zwi iti. O hana u zwi ita. Ngauralo o ita mini? O vha o shoniswa nga maanda, o vha a sa ḋivhi na uri a iteni, uri mufumakadzi wawe o vha a si nga di.

¹⁴⁸ Ndi elekanya uri izwo zwi fana na Kristo namusi nga maanda. Kristo o ri ramba uri ri dzule fhethu ha Tađulu Nae, huno ri a zwi shona. Vhatu vhanzhi vha a shona u amba uri vha na ndovhedzo ya Muya Mukhethwa. Vhatu vha pentekostała, ndi zwone, vha khou shona u zwi amba. Ri khou Mu shona.

¹⁴⁹ Huno ngauralo khosikadzi yo vha i si nga di. O hana u da. Zwo mu shonisa. Tshifhaṭuwo tshawe tsho tswūkuluwa. Muñwe na muñwe a zwi limuwa.

¹⁵⁰ Ndi a ḋivhudzisa arali tshifhaṭuwo tsha Yesu tshi songo twukuluwa, nae-vho, musi A tshi ri vhi dzela kha mushumo, mbidzo kha mutshimbilo wa Vhapentekostała wa vhuṭama na vhukomana, huno ro kuvhangana kha madzangano ashu nga maanda lune ri nga si vhuye ra hovhelela na muñwe. Ro tou ralo, ri khou thoma u vha shango na zwithu zwi ngaho izwo, ri khou shona dzina la Pentekoste. Vhanwe vhatu vha khou ofha u ralo. Ni ri, "Zwo luga, ndi—ndi wela kha... ndi Mukriste, fhedzi..." Ndo takala uri ndi na tshenzhemo tsha pentekostała. Amen. Ndo takala u hwala Dzina la Yesu Kristo. Ndi tshikhala tshihulwanesa tshe nda vhuya nda vha natsho, u ri ndi tshipiḍa Tshawe.

¹⁵¹ Zwino ri a wanulusa, zwenezwo, o wana huñwe u vhudzisa, u vhudzisa zwine a teya u ita. Huno vha ri, "Arali izwi zwi tshi

bvela phanda nga iyi ndila, vhañwe vhasadzi vhothe shangoni lothe vha do dzhia tsumbo ya mufumakadzi wa u thoma."

¹⁵² A hu na zwiñwe, izwo ndi zwine zwa khou bvelela madekwana a ñamusi. Ndi sedza vhañwe vha avha vhasadzi. Ndi a fulufhela uri a thi vhaisi vhudipfi hanu, huno naho zwo ralo ndi a ita, ndi a fulufhela uri ndi a ralo. Uh-huh. Ndi zwone. Ndi tshi khou lingedza u vha izwi zwithu zwa mufumakadzi wa u thoma hafha, na uku kugerele kwa mavhudzi a khele. A thi athu vhaba tshithu tsho raloho vhutshiloni hanga hothe na khathihi.

¹⁵³ Linwe duvha ho vha hu na musadzi we a da vhengeleni le nda vha ndo lindela mufumakadzi wanga, huno thohe ya uyo musadzi yo vha i khulu *zwingafho*, nahone o vha e na pennde dala fhasi ha mañe awe. Nda ri, "Humelani murahu, tshiguru. Ndi do vha wavhudzi." Ho vha hu mbonalo yo vhifhesaho. Yo vha i tshi do ni ofhisia. Naa ndi mini? Mufumakadzi wa u thoma. Ndi mufumakadzi wa u thoma. Izwo ndi zwone. Huno vha dzhia tsumbo nga hezwo.

¹⁵⁴ Huno i ri ni ndi ambe izwi zwino. A tho ngo zwi amba lwa vhuada, fhedzi nga tshifanyiso, uri ni do vhaba. Izwo ndi zwone kokotolo zwine vhoiñwi Vhakriste vha kale na khou itela avha vhañku. Ndi zwone kokotolo. Ni tea u vha dzitsumbo. Vhoiñwi Vhapentekostaña vhabane na divhidza u vha na Muya Mukhethwa, ni tea u vha tsumbo ya Vhamethodisi, na Vhabaphuthisi, Vhaphuresibatherieni. Hu si u fana na mufumakadzi wa u thoma, fhedzi vhunga Yesu ni tshi tea u vha nga u ralo. U ni vhudza ngomu *Hafha* zwine na tea u ita, uri ni zwi ita hani. Ri fanelia u tevhela milayo Yawe na dzitsumbo. Fhedzi iyo ndi ndila ine ra zwi wana. Esitere...

¹⁵⁵ Iyi khosikadzi, ho ngo zwi thetshelesa. O vha a si nga di; a mu tsitsela fhasi. Ha pfi, "Arali—arali uyu mufumakadzi wa u thoma wa shango a tshi nea tsumbo yo raloho, vhañwe vhasadzi vhothe vha do zwi ita. Ngauralo zwenezwo musi munna a tshi vhidza mufumakadzi wawé, u do ri, 'Iya u fhufhele mulamboni.'" Ni a vhaba? Mutukana, zwa vhabukuma o bvumba Amerika, ho ngo ralo? Zwino, ri wanulusa uri, nga u ita ngauralo, zwenezwo ho vha hu na munna we a vha e na vhuñali nga hae, we a da huno a eletshedza khosi. A ri, "Tshithu tshi no tea u itwa ndi u mu khaula. Huno na rumela nnnda nga lushaka, huno na vhidza zwipofu zwe the zwine zwa vha hone, zwipofu zwiñku, huno hehefho u dinangele musadzi."

¹⁵⁶ Zwo takadza khosi. Ngauralo a rumela, huno a rumela nnnda vhashumeli, na zwiñwe-vho, vhe vha ya u—u yo doba vhasidzana vhothe vhaswa vhe vha kona, vhone vhasidzana vha u naka u mona na mivhuso yothe na madzingu e a vha a tshi vhaba, ye ya vha i mihilwanesa kha shango.

¹⁵⁷ Huno musi o ita, zwi da kha uyu musidzana muñku wa Muyuda. O vha atshi nga wa nnnda, ngauri, u fana na Vhannda,

ni a vhona, o vha o poselwa thungo. Huno o vha a si na khotsi na mme. Huno Maradokai, malume awe vho vha vha tshi khou mu alusa. Huno o do tea u ya, u swikelela.

¹⁵⁸ Huno ngauralo zwe vha ita, vho do tea u dzhia avha vhasidzana uri vha dijame lwa minwedzi minzhi nga maanda. Vho do tea u vha nukhelelisa na u ita tshaka dzothé dza u vha nakisa, na u vha lugisa vhothe, uri vha kone u ya phanda ha khosi.

¹⁵⁹ Zwino, izwo zwi tou vha nga ndila ine shango la ḥoda u lugisa tshivhidzo ḥamusi. U tshi nakisa nga shango; u tshi fanyisa na zwithu zwa shango; vha tshi khou lingedza u wana mirađo minzhi, vha tshi dzhia tshiñwe na tshiñwe kha vhuṭama havho. Nne nne! Ndi tshithu tshi pfisaho vhuṭungu. Linwe dzangano li tshi khou lingedza u rwa linwe, la dzhia tshiñwe na tshiñwe uri li vhe murađo. Ni nga vha džhia na vha džhenisa kha ili dzangano, fhedzi a vha nga vhuyi vha da kha vhuledzani ha Kristo u swika vho no ḥanzwiwa nahone vha bebwa ḥafhu nga Muya wa Mudzimu. Izwo ndi ngoho. Vha nga di vha na dzina lavho kha bugu hafha, fhedzi hu si n̄ha Hangei, kha Bugu ya Ngwana ya Vhutshilo, u swika i tshi n̄walwa nga Malofha a Murena Yesu.

¹⁶⁰ Vhasadzi vhothe, vho didzudzanya tshothe, u vhonala vho naka. Huno, oo, ndi a humbulela uri zwa vhukuma vha na muňwe ane a vha sedza, khamusi nga murahu ha mufumakadzi wa u thoma na vhaňwe-vho. Vho didzudzanya tshothe ngauri vho vha vha tshi khou yo bvelela phanda ha khosi.

¹⁶¹ Ndi humbula uri izwo ndi yone khakhathi nga maanda nga zwivhidzo zwashu ḥamusi. Vha khou lingedza u didzudzanya, lwa shango, vha na vhudimvumvusi ha shango, zwithu zwa shango ngomu halo, vha tshi khou ita zwithu zwi re zwa shango, vha tshi dibadekanya shangoni, vha tshi elekanya uri vha nga ḥangana na Khosi. Mudzimu ha na ndavha na hezwo. U ya zwi vhenga hezwo. Fhedzi ri khou ḥoda u tshila sa shango.

¹⁶² Zwiňwe zwa zwivhidzo zwashu, ndo amba, zwo litshedza dzingole, vha tshi džhenisa madikoni, na zwiňwe-vho, tshivhidzoni, huno nga tshiňwe tshifhinga vhafunzi, vhe vha mala luna kana luṭanu, huno—huno vhaňwe vhavho vha no daha dzisigarete. Ha pfi, “Vha do—vha do zwi kunda. Vha do luga tshothe.” Wanani munna a bvaho tshipotoni vhuřwe vhusiku, huno ni mu vhee kha phuluphithi vhusiku vhu tevhelaho. A thi tendi kha zwithu zwe raloho. Ndi tenda uri munna u tea u lingululwa, izwo ndi zwone, zwe tikedzwa. Ndi a ni vhudza, zwifhinga zwinzhi ri vhidza . . .

¹⁶³ Ndi tenda kha ndovhedzo ya Muya Mukhethwa. Ndi tenda kha u amba nga dzindimi, fhedzi ndi elekanya uri ri dzhielesa n̄ha hezwo nga maanda. Munna a nga amba nga dzindimi, na musadzi a tshi amba nga dzindimi, huno arali vhutshilo

ha munna na vhutshilo ha musadzi zwi sa vhambedzei na uri ndi dzindimi-de dzine na khou amba ngadzo, zwenezwo ndi ndimi dzo khakheyaho, ngauri Muya Mukhethwa u do ni ita uri ni difare sa Bivhili. U do ni disa kha vhudalo ha tshiimo tsha Kristo.

¹⁶⁴ Inwi ni dzhia muthu a no amba nga dzindimi, mbiti dzo edanaho u lwa na saha i bbumaho, huno a amba nga ha vhadzulatsini, na tshiñwe na tshiñwe nga u ralo. Mulandu, ni zwi vhidza uri Muya Mukhethwa? U nga si vhe wone. Hai, muñwe wanga.

¹⁶⁵ Muya Mukhethwa ndi wa vhulenda, dakalo, mulalo, u kondelela, vhuthu, u dzika, u lindela, lutendo. Muya Mukhethwa, hoyo ndi mutshelo wa Muya, une Muya Mukhethwa wa anwa kha Tshivhidzo tsha Mudzimu a tshilaho, vhulenda, na u diñukufhadza, u bvuda, u funana, u kondelela.

¹⁶⁶ Arali mukomana o khakha, ni songo tou mu rwa kana tshiñwe tshithu. Iyani phanda hawe huno ni vhone arali ni tshi nga mu vhuisa murahu. Ni songo lindela mureri a tshi zwi ita. Inwi zwi iteni, muñwe muthu-vho. Mureri a nga si kone u zwi ita zweþhe, na madikoni a nga si ralo. Muñwe na muñwe, ndi muraðo wa uyu Muvhili wa Kristo, u tea u tevhelana. Ri na... Huno arali ri na Muya wa Kristo ngomu hashu... O funza tshifanyiso tshihulwane. Vho sia dza fuþahe-þahe, huno vha tevhela nthihi. Ndi zwine ra tea u ita. Fhedzi ri ri, "Oo, vha litsheni vha þuwe." A ro ngo tea u ita hezwo na khathihi. Ri tea u vha vho bvudaho, vha hangwelaho, vha sa fheli mbilu. Uyo ndi mutshelo wa Muya.

¹⁶⁷ Zwino, ri ðiwana zwenezwo, uyo Esiþere, nga murahu ha musi o... Vha mu vhea kha mañwea ya mafhethu, u ðidzudzanya tshoþhe, u ita uri a sumbedze phanda ha khosi. Nnè! Nnè! O zwi hana. O vha a sa zwi þodi. O þoda u bva u tou fana na zwe a vha e zwone. Amen.

¹⁶⁸ Ri na ñamusi zwauri zwivhidzo zwi no þoda u difara sa shango, kana ngauri ri vha vhahulu. Mudzimu o ri, "Ngå tshiñwe tshifhinga o vha e muþuku, vho Mu shumela. Fhedzi musi o no vha muhulu, zwenezwo vho Mu hangwa." Izwo ndi zwone.

¹⁶⁹ Musi ro vha ri na sosopani hafha kha muedzi huñwe fhethu, na tshele, ri tshi i lidza nga murahu ha zwanda zwashu; na kaþara ya kale, i tshi lidzwa; huno ri na muþangano wa tshiþaraþani, no vha ni wa u diñukufhadza. Fhedzi musi ri tshi swika kha u vha na zwifhaþo zwa dolara dza milioni tharlu kana nña, na zwithu zwihulu nga u ralo, zwenezwo ri a dihudza nga maandà lune ra hangwa nga ha izwo, izwo ndi zwone, ra anðana na shango.

¹⁷⁰ Ndo vha ndi fhethu liñwe ðuvha he, mukomana wa vhukhethwa, ho vha hu na tshivhalonyana tsha vhathu vha tshi khou mu shumela. Huno arali musadzi muñwe na muñwe a bva heneffo nga tshifhinga tsha gofhi, u dzhia tshifhinga tsha u

awela tsha gofhi, musadzi muñwe na muñwe ngomu heneffo o vha e na mavhudzi mapfufhi nahone a tshi khou ambara tshiłodzamilomo. Zwino, inwi ni ri, "Mukomana Branham, a u na mushumo wa u amba hezwo." Ndi nawo. Bivhili i amba hezwo. Ndi zwone.

¹⁷¹ Vhunzhi ha vhasadzi vha Pentekoste vho ambara zwiambaro zwe teaho munna, huno Mudzimu o ri ndi vhūtudzi mañoni Awe. Izwo ndi zwone. Naa ni lavhelela hani u ya Tađulu nga u ralo? Zwi sumbedza uri Muya Mukhethwa haho ngomu heneffo. Arali Muya Mukhethwa wo vha u ngomu heneffo, U do ni haṭula. Ndi zwone. Oo, ni nga huwelela, na amba nga dzindimi, na gidima n̥tha na phasi, na tshina mayani. Ndo no vhona Vhahindu vha tshi ita izwo, na Vhaindia, na tshiñwe na tshiñwe. Izwo a zwi ambi tshithu, nndani ha musi hu na vhutshilo ha u tikedza zwine na khou amba nga hazwo, maanda a Muya Mukhethwa, u ita vhathu vha tshilaho nga u ofha Mudzimu. Uyo ndi Muselwa wa Kristo.

¹⁷² Esiṭere o vha a tshi khou yo vha muselwa, ngauralo ho ngo ṭoda u nakiswa lwa shango. O vha a tshi ṭoda u dzhena ngomu, kha khosi, u tou fana na zwe a vha e zwone. O diṭama sa zwine vhasadzi vha pentekostała vha tea u ita, nga maya wa vhulenda wo ṭukufhalaho. Huno musi hezwi zwe the zwa mavhaivhai, musadzi wa u thoma a tshi ḍa, na zwithu zwavho zwa mitshino zwiswa, khosi ya vha sedza, huno ya vha vhea pfamoni na vhafarekano. Fhedzi musi uyu Esiṭere a tshi swika phanda hawe, huno a pfa luvhudzi lu tshi ima lwa uyo maya wavyuđi, wa u diṭukufhadza, wa vhulenda, a ri, "Uyo ndi ene. Iya u wane khare huno u i vhee kha ṭohoho yawe." Izwo ndi zwone.

¹⁷³ Vha litsheni vha diṭame nga ulwo lushaka lwa maya, hu si vhasadzi fhedzi, fhedzi vhanna, na vhone-vho, vha diṭama nga ulwo lushaka lwa maya. Zwenezwo ni khou lugela ene—ene Muselwa, wavyuđi, wa u dzika. Esiṭere o kunakisa mbilu yawe.

¹⁷⁴ Hu na zwinzhi zwine ra zwi londa, izwi nnda, oo, zwi do teya u vha na mavhadzi manzhi, na zwinzhi zwa *hezwi*, kha—kha ya ngazwo.

¹⁷⁵ Phano nga tshiñwe tshifhinga tsho fhiraho, ndo vha ndo ima mu—muziamu phasi ngei Tennessee. Nda fhira fhethu huṭuku, huno zwa sumbedza tsedzuluso ya muvhili wa muthu. Lo amba uri muthu we a vha a tshi lemela phaundu dza ḫana na fuṭhanu, kha dzikhemikhala o vha e na ndeme ya sente dza fumalo-iña. Zwino, ni muñwe muthu, a no ngo ralo, sente dza fumalo-iña? Huno vhañwe vhasadzi vha do ralo, vhasadzi vha Pentekostała, vha do ambara badzhi ya doļara dza madana mañanu huno vha imisela ṭohoho yavho n̥tha, arali yo na, i do vha nwelisa khothe, huno a vha vhuyi vha dura sente dza fumalo-iña, izwo ndi zwone, kha dzikhemikhala. Iyo ndi ngoho, hu si mudai. Izwo ndi ngoho. Sente dza fumalo-iña, hu na galaga yo edanaho u shasha tshiṭaha

tsha phambo, na khalisiamu thukhunyana na zwiñwe-vho. Sente dza fumalo-iña, ni lavhelese izwo zwi tsini nga maanda.

¹⁷⁶ Ni ya vhengeleni la zwiliwa na wana . . . u wana ndongwana ya swobo huno hu ño vha na buvhi khayo, ni ño hwelela vhengele la zwiliwa.

¹⁷⁷ Fhedzi ni do tendela diabolo a tshi amba miswaswo ya kale ya thelevishini na u kombetshedza zwithu phasi na mukulo wañu, na zwi mila; a ni ita uri ni ambare zwi ambaro zwi songo kunaho, havha vhasadzi, hezwi zwi ambaro zwa u pata u fana na tshithu tsho di pataho, huno na tshimbila nnđa hafha kha zwiñaratā nga u ralo. Huno ni a ñivha, khaladzi anga, a thi khou amba sa u swaswa. Ni khou mpfesesa nga nnđila yo khakheaho.

¹⁷⁸ Thetshelesani. Ndi khou amba hezwi. Ni ita nga u ralo, huno nga Duvha la Khathulo ni ño vhalwa sa phombwe. Ndi zwone. Yesu o ri, "Ane a lavhelesa musadzi nga mu emule o ita vhupombwe nae mbiluni yawe." Huno musi uyo muitazwivhi a tshi tea u fhindula nga u ita vhupombwe, ndi nnyi? Inwi. Naa ndi nnyi o zwi vhangaho? Inwi. Izwo ndi zwone. Arali na ñifara ngei nnđa, u sedzea phanda ha vhanna, u fana na shango huno na ambara vhunga shango.

¹⁷⁹ Ndo amba hezwo nga tshiñwe tshifhinga, na musadzi, Louisville, Kentucky, a ri, "Zwo luga, thetshelesani hafha, Vho. Branham. Ndi ño ni ñea u pjesesa zwa zwino!"

Nda ri, "Ee, mme?"

A ri, "Ndi lwone lushaka lu lwoñthe lwa rokho dzine vha ita."

Nda ri, "Vha ita mitshini ya u runga na u rengisa thundu."

¹⁸⁰ Ndi ngauri ni ñoda u ralo. Hu na tshiñwe tshithu tsho khakheaho kha inwi. Izwo ndi zwone kokotolo. Ni zwi ita ngauri ndi fesheni. Ni zwi ita ngauri ni tea u ralo. Ni zwi ita ngauri ni khou ñoda u ralo.

¹⁸¹ Ni daha ngauri ni ñoda u ralo. A ni tei u ralo. Ndi elekanya urti tshithu tsho vhifhesaho tshe nda vhuya nda tshi vhona ho vha hu musadzi a no khou dzhena tshiñaratani, sa zwine na vhona muñwe na muñwe, modorokara, e na idzo sigarete vhukati ha minwe yavho. Mulandu, ndi ñtoni. Ndi tshika khulwanesa ye ra vhuya ra dzhena khayo sa lushaka, musi madokotela na saintsya mishonga vha tshi ri yo ñala pfuko na tshiñwe na tshiñwe-vho. Huno vhatsonzwa heneffo phasi khavho, tshifhinga tshoñthe.

¹⁸² Ni a vhoma musadzi, ane a tea u vha Mukriste, heneffo kha khunzikhunzi nnđa, na zwo ñamba, na zwi ambaro zwa u ñamba, o pandalala heneffo. Ndi na vhasidzana vhavhili. A thi ri vha nga si zwi ite. Vha ri vha khou wana lukanda lwa masana. Vha ño wana masana a murwa arali ndi tshi kha ñi tshila. Zwi ño vha murwa wa hezwi. Ni a vhona? Hu ño vha murwa wa Vho.Branham, vhe na bodo i no ñodou swika vhulapfu uvho. Ndi tenda uri zwo khakhea.

¹⁸³ Zwenezwo ri ḋivhidza, “Oo, ri murađo wa tshivhidzo tsha Pentekostał.” Oo, ḫoni kha inwi! Ndi zwone. Tshivhidzo tsha Pentekoste tshi ḥoda u kunakiswa, ndilani yoṭhe u bva nga phanda u ya murahu, huno nga kha lufhera lwa fhasi na beisimennde, na lufhera lwa n̄tha. Izwo ndi zwone. Huno naho zwo ralo, khazwo zwoṭhe, ndi zwa khwinesa zwine ra vha nazwo. Fhedzi zwi nga kona . . .

¹⁸⁴ U tou fana na musi kha mvutshelano na tshifhingani tsha Joan wa Arc, France o ḥoda mvutshelano, zwenezwo vha ḥoda mvutshelano ya u lifhedza u dzudzanya zwinwe zwa zwithu zwe vha vha vha tshi khou zwi lwela.

¹⁸⁵ Huno tshivhidzo tsha Pentekoste tshi ḥoda mvuseledzo. Ndi zwone. Zwa vhukuma tshi a ralo. U vutshela zwithu zwo khakheaho, huno tsha ḫanganedza zwithu zwi re zwone, amen, ndovhedzo ntswa ya Muya Mukhethwa: “Tshivhidzo tshi tshi khou Dilugisa!”

¹⁸⁶ Elelwani, a zwi nga vhi . . . Ni nga si ri, “Zwo luga, zwino, ndi wela kha hezwi, vha Dzikuhvhangano. Ndi wa Foursquare, kana Tshivhidzo tsha Mudzimu, kana Dzina la Yesu,” kana—kana muñwe wavho vhoṭhe. Hai! Ni nga si dzhene kha tshiñwe na tshiñwe tshavho.

¹⁸⁷ Mudzimu u ni vhidza sa muthu. Huno ndi inwi a no tea u kunakisa, ngauri, “U khou dzhia vhathu kha Vhannđa, u itela Dzina Ławę, Muselwa Wawe, Wannđa.”

¹⁸⁸ Esitere o dikunakisa. O kunakisa mbilu yawe. Izwo ndi zwe a ḫanzwa. Izwo ndi zwine tshivhidzo tsha ḥoda: u kunakiswa ha mbilu.

“Naa ni ḫanzwa hani mbilu yanu, Mukomana Branham?”

¹⁸⁹ “U ḫanzwiwa nga mađi a Ipfi,’ nga kha Malofha a Yesu Kristo.”

¹⁹⁰ Bivhili yo ri zwo khakhea vhasadzi vha tshi difara nga iyo ndila, na vhanna u vha tendela u zwi ita. Ndi vhoinwi noṭhe. Munna a no ḥo tendela musadzi u bva nga tshiṭaraṭa e fhedzi, na zwiambaro zwi no nga izwo, ndi na ḫonifho ḫukhu khae a tshi vha na munna. Ndi tshibwanana. Ndi zwone. U mu shumisa sa tshikambi. ḫoni kha inwi. Ni tea u vha vhanna.

¹⁹¹ Huno mufunzi u ḥo tendela tshivhidzo tshawe tshi tshi bvela phanda na zwithu zwo raloho, a sa thuthubisi tshigontiri khatsho kha phuluphithi. Ndi wa tthisadzi. Zwine ra ḥoda ndi vhanna, Mafhungo-mađifha, hu si magilafu a raba, fhedzi nga maanda na tsumbedzo ya Muya Mukhethwa, na Ipfi. Bivhili i ri hezwi zwithu zwo khakhea. Zwo khakhea vhathu vha tshi ita nga u ralo, u difara nga iyo ndila. Zwi tea u rerwa, na u tshila, na huñwe na huñwe. Kana, tshivhidzo tshi ḥoda u ḫanzwiwa, u kunakiswa.

¹⁹² Esitere o ḥanzwa mbilu yawe phanda ha Mudzimu, a tshimbila na vholugaho na maya wa u ditukufhadza; tshone Tshivhidzo tshire tsha khou ya u vha Muselwa wa Kristo. Zwino, elelwani, Esitere o landula u naka ha shango. O dzhia Muya mbiluni yawe, u ya phanda ha khosi.

¹⁹³ Huno vhasadzi ḥamusi, tshivhidzo tshi no elekanya uri tshi khou yo dzhena ngauri tshi na nomboro nnzhi dzo engedzeaho, ndi tshone tshigwada tshi no ambara zwavhudzi, tshi na dzangano lihulwanesa, tshone tshivhidzo tshihulwanesa kha dorobo, na zwithu zwi no nga zwenezwo, ni do kundelwa ngazwo lwa maela dza milioni arali ni tshi ditika nga hezwo.

¹⁹⁴ Ndi maya wavhudi, wa vhulenda, u hulisaho kha Ipfi la Mudzimu, “no ḥanzwiwa nga madi a Ipfi,” na Ipfi kha inwi. Ndi u ḥanzwa. Amen. Tshivhidzo tshi khou ḥoda u ḥanzwiwa, u ḥanzwa ha Mafhungo-madifha o fhelelaho. Ndi zwone. A hu tou vha u ḥanzwiwa nyana, fhedzi u ḥanzwiwa ha Mafhungo-madifha o fhelelaho, u ḥanzwiwa, “u itwa zwivhumbwa zwiswa kha Kristo Yesu.”

¹⁹⁵ Muselwa wa Yesu a si muselwa o tshikafhalaho. O vha a si nga vhi na Wawe o tshikafhalaho, Muselwa.

¹⁹⁶ Arali musadzi a da u malana, huno a vha a tshi vhonala unga u bva tshitumbani tsha nguluvhe nda heneffo; munna a re na tshirunzi tshawe, o vha a si nga mu male. O vha a tshi do mu kunakisa.

¹⁹⁷ Huno musi tshivhidzo tsha Kristo tshi tshi da u malana, tshi elekanya uri tshi khou ya kha Muselwa, e na tshisumbavhuyo tshothe tsha shango khae, Muselwa wa Kristo a nga si fane na hezwo. Hai, muñe wanga.

Ndi fanela u ḥavhanya.

¹⁹⁸ Na Tshivhidzo tsha Kristo a tshi ngo ralo, tsha Murena Yesu Kristo, itsyo Tshivhidzo a si Tshivhidzo tsho ḥahalelwaho, na tshone-vho, tshi re na zwiambaro zwo kherukanaho zwa dzidinomineisheni. Ha tei u vha murado wa inwe dinomineisheni khulu. U tea u ḥanzwiwa nga Malofha, o rengwaho nga Malofha. Ri sa khou amba uri ri wela kha tshivhidzo tshihulwanesa, dzangano lihulwanesa, kana hezwi, zwiła kana zwinwe. U tea u vha o ḥambaho, o khethefhadzwaho, mukhethwa, a si na badzi kana tshilavhi, nga Malofha a ene—ene Mutshidzi wawe, Yesu Kristo.

¹⁹⁹ Vhunga Esitere, Munna o dzumbamaho mbiluni, Munna o dzumbamaho, u vuđa na vhulenda ha Muya wa Mudzimu, mbiluni ya muthu; hu si vhugala na kiłasi ya shango.

²⁰⁰ Tshifhinga tshothe ndo ri shango li a penya; Mafhungo-madifha a a vhengama. Oo, ndi maela dza milioni zwo fhambana. Hollywood i ya penya; tshone Tshivhidzo tsha Kristo tshi

a nakelela nga lufuno, u vha tshitete, vhulenda, mafunda. Ndi zwone.

²⁰¹ Esitere ho ngo ḥoda u ditama nga zwiambaro zweṭhe zwa musalauno zwa shango. Izwo zwi nga si vhonale sa mufumakadzi wa khosi.

²⁰² Huno ri a ralo, ri tshi ḥoda u fana na shango, nahone izwo zwi vhonala sa Mufumakadzi wa Munna Mukhethwa? Riñe, sa Tshivhidzo tsha Mudzimu a tshilaho, ri ditama nga zwithu zwa shango, huno zwenezwo ra vhonala sa Mufumakadzi wa Munna Mukhethwa? Naa izwo zwi nga vhonala zwi zwa vhukuma?

²⁰³ Arali no vhonana munna ḥamus, ane a tea u vha munna mukhethwa; hafha hu ḫa mufumakadzi wawe fhasi, vhunga mufumakadzi wa u thoma, liñwe ḫa ayo mavhudzi mahuluhulu nn̄da nga ndila iyi; na zwithu zwitswuku kha sia lithihi, na zwithu zwidala kha liñwe sia, u—u nga o rwiwa kha mulomo nga bulatsho ya pennde; na hezwi zwithu zweṭhe nga u ralo, vha tshi tsa fhasi nga tshiṭaraṭa, nga zwiambaro zwa u pata nga u ralo; huno na migo ya nthā nga u ralo, a tshi khou thwista, a tshi khou ḥokela u tsa fhasi tshiṭaraṭani; huno na ri, “Uyo ndi mufumakadzi wa munna mukhethwa”? A thi khou amba miswaswo. Ndi khou tou ita tsumbedziso fhedzi.

²⁰⁴ Ndo ḫa kha iñwe ya mishumo yashu mihulwane ya Pentekoste, fhano zwi si zwa kale. Ndo vha ndi na dennde ḫo vhewaho. Huno mufunzi a ri kha nñe, a ri, “Mufumakadzi wanga ndi mulidzi.”

Nda ri, “Izwo ndi zwavhudi, mukomana.”

“Naa ni na thaidzo a nga lidza?”

Nda ri, “Hai. Hai, muñe wanga. Zwa vhukuma a thi ralo.”

²⁰⁵ Huno a ya kha mulangi. Mulanguli a ri, Mukomana Baxter, a ri, “Izwo zwe luga.”

²⁰⁶ A ri, “Mukomana Branham, idani ngeno. Ndi ḥoda ni tshi ḥangana na mufumakadzi wanga.” Huno nda ya henengei.

²⁰⁷ Ndi humbelu uri ni mpfarele. Ni a vhonana? A thi khou lingedza, u ri ita li—lihumbulwa. Ndi khou lingedza u ita tshitatamennde. Ni a vhonana?

²⁰⁸ Huno musadzi o vha e na maniwe a manala hafha. A thi diñhi. Izwo zwithu, ni a diñha, zweṭhe zwe dzudzanywa, huno na khathihi a thi athu vhonana zwe raloho vhutshiloni hanga; huno na rokho ye ya vha i fhasi u swika hafha, i songo valea nga murahu, nahone hu si na tshithu nga fhasi. Huno na khathihi a—a thi athu vhonana kusedzele kwo raloho vhutshiloni hanga. Huno o vha e na zwinina zwiñhulwane zwe nembelelaho nga ndila iyi, na zwithu zwinzhi zwe ambarwa.

²⁰⁹ Huno nda sedza u mona hoṭhe. Nda elekanya, “Yawee, nñe nñe!” Ndi Mubaphuthisi, huno ndi diñha zwa khwine u fhira hezwo. Nda sedza hafhu. Nda ri . . .

²¹⁰ Zwino, ndi a humbela, hezwi a si miswaswo. Fhedzi ndo ḋo tea u zwi amba kha mukomana, huno ndi a fulufhela uri zwo mu thusa. Hu si u zwi amba uri ndi vhe o fhambanaho; arali ndo ita, ndo vha ndi mudziatshimbevha, ni a vhona, ndo ṭoda u ṭanzwiwa, nne muṇe.

Nda ri, “Muhulwane, naa wo amba uri mufumakadzi wau o vha e mukhethwa?”

Ha pfi, “Oo, ee.”

²¹¹ Nda ri, “U vhonala sa tshipuku, kha nne.” Nda ri, “A—a thi athu vhona mbono yo raloho vhutshiloni hanga na khathihi, sa mufumakadzi wa mushumeli. Izwo a zwi fani na mufumakadzi wa munna mukhethwa.”

²¹² Huno na tshivhidzo tsha Mudzimu a tshilaho a tshi ralo, u ḋitika nga fesheni dzatsho, zwimima zwawe zwa tie, na zwimima zwa bankho, na mitambo ya magaraṭa, na dzidantsi, na matshilisano, a tshi dinakisa nga u ralo, na shango, a tshi vhonala sa Muselwa wa Mudzimu Mukhethwa. Musi a tshi dahan sigareṭe, na mitshino, na dziphathi, na dzisobo dza zwilaelo, na zwinwiwa zwa zwikambi, na zweṭhe nga u ralo, huno vha ri ndi vhone Muselwa wa Kristo? A vha fani na Mufumakadzi wa Munna Mukhethwa, kha nne. Hai, muṇe wanga. O vha a si nga nange tshithu tsho raloho. O vha a tshi ḋo wana musadzi we a vha e kha ngoho, a tshi vhonala vhunga zwe A vha a tshi khou lingedza u zwi imela. Ndi a tenda uri izwo ndi ngoho. Hezwo zwi nga vhaisa zwiṭukunyana.

²¹³ Mme anga vha kale vha tshipembe vho tuwa. Musi ndi tshe mutukana muṭuku, ro vha ri tshi anzela u vha na . . . A tho ngo vha na tshithu tsha u ḥa, zwi a kondā, huno ro vha ri na ḥawa ntswu na vhurotho ha gorou. A thi ḋivhi arali ni tshi ḋivha zwine zwa vha zwone kana hai. Ngauralo ro vha ri si na . . . O vha a si na mapfura ḥwaha woṭhe, huno kanzhi ro vha ri tshi ḋo teya u dzhiya pani ya kale nga u ralo, huno a vheya mukumba wa ḥama khayo. Ri ḋo swika hune vha ḋo tumula, kana lufhangha vha ḋo tsheya ḥama huno vha ri fha mukumba. Huno ro vha ri tshi ḋo u tshetshekanya, u wana girisi, huno ra i shela ngomu henefho.

²¹⁴ Vhusiku ha Mugivhela muṇwe na muṇwe, mma vho ri ri khou ṭoda mapfura a mupfure. Huno ndi—ndi tou kundelwa na nga u kondelela izwo zwithu na zwino. Huno ndi ḋo teya u zwi dzhiya. Ndo vha ndi tshi ḋa khae, ndo fara ningyo yanga nga *heyi* ndila. Nda ri, “Mma, a—a thi koni u zwi kondelela.” Nda ri, “A nnyita uri ndi lwale nga maanda.”

Vha ri, “Arali zwa sa u ita uri u lwale, a zwi u thusi nga tshithu.”

²¹⁵ Ngauralo ndi elekanya uri iyo ndi ndila ya u rera Mafhungo-madifha. Arali A sa ni dzinginyisi zwiṭuku, a wana zwanu . . . na pfa zwiṭiwa zwanu zwa tshimuya zwi tshi thoma u vha zwavhuḍi, zwa ni lwadza zwiṭuku, u ḋitola nga Bivhili: vhonani arali uho

u sinyuwa ha kale, na tseda, u sa ofha mudzimu, lufuno lwa shango, thelevishini, na zwithu zwa vhusiku; huno na ṭutshela tshivhidzo tsho dzula tshi si na tshithu, huno bannga dza vha dzi si na tshithu. Musi, ni tshi tea u vha ngei nn̄da vhunga Yesu, no wana Muya Wawe kha inwi, ni tshi khou lingedza u wana muňwe na muňwe shangoni uri a de tshivhidzoni tshanu, u ṭanganedza Kristo. Huno zwenezwo ri ḏivhidza Muselwa wa Kristo? Oo, u pfisa vhuṭungu hani, khonani!

²¹⁶ Yone awara yo swika. "Wawe Muselwa o ḏilugisela." Oo! "O ḏilugisela." O vhetshela kule izwi zwithu zweṭhe. Elelwani, Esitere o nangiwa, huno vhaňwe vha landulwa. Huno avho fhedzi vho bebwaho hafhu, vha re na Muya wa Mudzimu, vha ḥo vha Vhanangiwa nga iļo Duvha, uri khare ya vhugala i ḥo vhewa kha ḥoho Yawe. Huno vhaňwe vha ḥo landulwa.

²¹⁷ I ri ni ndi ni vhudze tshiňwe tshithu tshituku tshe tsha bvelela. Ndi—ndi, nne ndi mufunziruňwa, vhunga ni tshi zwi ḏivha, ndo ita mushumo wa vhuevangelī, mushumo wa vhurumiwa, u no ḥodou swika kasumbe seli ha lwanzhe, u mona na shango. Phano, a si kale-kale, muđini wa Roma, Roma ndi muđi muhulwane wa vhutsila. Huno vho vha vhe na tshikolo tsha vhutsila henefho, huno vhatu vhashwa vha Amerika vho vhalaho vha ya henengei īwaha muňwe na muňwe, u dzhia ngudo ya īwaha-kana mivhili kha vhutsila, u guda u pennda zwifanyiso. Ho vha hu na tshigwada tsha Vhaamerika vhaswa vho daho hafha, miňwaha i si gathi yo fhiraho, sa zwe nganea ya vhudzwa. Huno musi vha tshi swika henefho, vha tou bva ndilani. Musi vha ngei Roma, vha ita sa zwine Roma ya ita: vha bva huno vha nwa, nahone vha ḏibvulekanya, na tshiňwe na tshiňwe-vho, huno vha bvela phanda, vhatukana na vhasidzana vhothe.

²¹⁸ Huno ho vha hu na tshiňwe tshikolo. Huno kha itshi tshikolo, itshi—itshi tshigwada tsha Vhaamerika vhaswa tsho ḥaho. Huno muňwe na muňwe wavho, kačukuku, o ita zwenezwo zwithihi. Fhedzi musidzanyana muthihi, ho ngo kona u zwi kondēlela, na luthihi. A dzula ngomu. Nga tshifhinga tsha madekwana, a vhalā musi vhothe vho vha vha tshi khou nwa. Masiari, a shuma, a guda. Zwo ralo, o vha a tshi seiwa nga tshikolo tshothe. Huno a ḏifara sa mufumakadzi, a ḏifara sa khaladzi. Naho ho vha hu na vhatukana vhaswa vha Vharoma na tshiňwe na tshiňwe u mona hothe, vha tshi khou lingedza u mu ita uri a bve, o zwi hana. Hai, muňe wanga. O dzula henefho na ngudo dzawe, a tshi khou guda u ola, na u pennda, kha ndi ralo. Huno a dzula nazwo.

²¹⁹ Mafhedziseli, mulindi wa kale wa afho fhethu a dzulela u mu sedza, a tshi vhona uri o vha o fhambana nga maanda, naho o vha e Muroma wa Kačolika, a dzulela u mu sedza, nga ndila ye a ḏifara ngayo. Nga maňwe madekwana, musidzana muswa, phakanī he tshone—tshone siṭudio tsho vha tshi henefho, mulandu, kana fhethu he vha vha vhe na tshikolo, a bvela nn̄da

kha khemphe, huno a gonya n̄tha ha tshikwara, huno ḫuvha lo vha li tshi khou kovhela. Huno o vha o ima heneffo n̄tha, e na tshifhaṭuwo tshawe tsho nakaho, tsho kunaho, na mavhudzi awe o nembelela phasi, o lavhelesa u buda iyo ndila u yela vhukovhela ha ḫuvha.

²²⁰ Mulindi wa kale o vha a tshi khou haraga heneffo phasi dzharaṭani. A dzulela u sedza musidzana, musi a tshi khou haraga. Tshiñwe tshithu tsha dzulela u mu vhudza, “Iya, amba nae.” Ngauralo a vheya haraga phasi, a bvula muñwadzi wawa wa kale, a gonyela he musidzana muswa a vha e hone. A hoṭola. A rembuluwa. A ri, “Mpfareleni, vhomme.”

A ri, “Ee, muñe wanga. Zwa vhukuma.”

²²¹ Huno a dzhieila nzhele uri o vha a tshi khou lila. Vhañwe vhoṭhe vho vha vha nn̄da kha dikiṭa la vhusiku hothe. A ri, “Vhomme, ndi fulufhela uri vha do mpfesesa nga ndila yone, ngauri ndi khou tou yo amba na vhone.” Ha pfi, “Wo vha u fhano, lwa miñwaha i fhiraho mivhili zwino. Huno ndo dzhieila nzhele tshigwada tshine na da natsho, vha dzulela u vha nn̄da vha sa fhidzi kha zwimima, huno vha tshi vhuya zwifhinga zweṭhe zwa madekwana, vho kambiwa, zwi ambaro zwi hafu zwavho, na tshiñwe na tshiñwe. Fhedzi ndo dzhieila nzhele uri a ni vhi kha zwimima zwe raloho.” Huno ha pfi, “Ndi—ndi dzhieila nzhele uri, hu vhonala, zwauri tshifhinga tshoṭhe ni khou sedza u budekanya lwanzhe. Nga madekwana, ni tshimbila hafha n̄tha, huno na ima hafha madekwana mañwe na mañwe, huno na sedza ḫuvha li tshi kovhela.” Huno ha pfi, “Mini, naa izwo zwi vhangwa nga mini?” Ha pfi, “Ndi munna o aluwaho. Huno ndi—ndi a ḫoda u ḫivha uri ndi mini tshine tsha ita heyi phambano vhukati hanu na vhañwe.”

²²² A ri, “Ee, muñe wanga.” A ri, “Muñe wanga, ndi khou sedza hayani musi ḫuvha li tshi kovhela.” A ri, “Seli, phanda ha ilo ḫuvha ngei ndi shango la hayani hanga.” Huno a ri, “Kha ilo shango hu na linwe vundu. Huno kha ilo linwe vundu hu na inwe dorobo. Huno kha iyo inwe dorobo hu na inwe nn̄du. Huno kha iyo n̄duni hu na muñwe mutukana.” A ri, “Ene, nae-vho, ndi muoli. Musi ndi tshi ṭuwa, u da hangeno, ndo fulufhedzisa lufuno lwanga khae. Ro fulufhedzisana u malana.”

²²³ Huno a ri, “A hu londwi zwine muñwe wavho a ita, izwo a zwi na mushumo na nne.” A ri, “Ndo fulufhedzisa u tshila nga ngoho na zwi re zwone.” Huno a ri, “Ndi khou ṭulutshelwa ḫuvha line musi ndi tshi di pfa nne muñe n̄tha ha phapha dza ilo bufho lihulu vhane vha do mnyisa seli ha lwanzhe huno vha mmbeya phasi kha vhukavhabufho hune a do ṭangana na nne. U khou fhaṭa haya, huno ri do tshila roṭhe kha ilo shango.”

²²⁴ Huno ha pfi, “Itsho ndi tshone tshi itisaho uri ndi difare nga ndila ine nda ita. Ndi a fulufhedzea kha pfulufhedziso ye nda itela mutukana. Huno ndi wa ngoho kha pfulufhedziso ine a

nnyitela.” Ha pfi, “Ndi pfa zwi bvaho khae, zwino na zwenezwo, huno nda mu nwalela, nahone,” ha pfi, “ri a nwalelana. Ri kha di vha ro fara miano yashu, ro lindela ḋuvha line ra ṭangana ngalo.”

²²⁵ Oo, izwo zwi do ita hani kha Mukriste wa vhukuma, u ḫutshela kule na zwithu zwa shango. Huno liñwe ḋuvha, ni amba nga ha u da tshiṭṭshini, kha phapha dza Liivhā! U khou ḫela Muselwa, muñwe ane a sa do ita vhufafuṭafu na shango na shango kana zwithu zwa shango. O ṭanzwiwa nga Malofha a Ngwana. O fulufhedzisa Lwawe—lufuno Lwawe Khae fhedzi. Lufuno lwa shango lwo ḫuwa nahone lwo fa Khae. “Mbingano ya Ngwana yo da, huno Muselwa Wawe o no di lugisa.”

Kha ri elekanye nga hazwo musi ri tshi kotamisa zwifhaṭuwo zwashu lwa tshifhinganyana.

²²⁶ Liñwe ḋuvha, musi ndi tshi sedza thungo ya u kovhela ha ḋuvha, Na nñe-vho, miñwaha ya furaru-nthihi yo fhiraho, ndo ita muano kha Uyo we nda mu funa, lufuno lwanga lwoṭhe Khae. Tshifhinga tshoṭhe ndo lingedza u Mu imela na Ipfi Ḵawé, huñwe na huñwe hune nda ya. Ndi a zwi ḫivha uri hu na vhañwe vhanzhi vho dzulaho ngomu hafha, nga u ralo, ro lindela ḋuvha line musi tshikepe tsha kale tsha Zioni tshi tshi da kha tshiṭṭzhini, doba mimuya yashu huno u ri dzhie Vhuhoneni ha Uyo Ane ra mu funa nahone a fulufhedzisa lufuno lwashu khae.

²²⁷ Hu nga vha na vhañwe ngomu hafha madekwana a ḫamusí, vhané a vha athu u ita uho u fulufhedzisa. Hu nga vha na vhañwe vhe vha zwi ita huno vha zwi vundá. Arali ni kha iyo nyimele madekwana a ḫamusí, khonani, ndi ngani ni sa vhuysi murahu madekwana a ḫamusí na vusuludza khumbelo yanú? Arali ni songo ralo, zwi iteni. Ndi ngani ni sa di huno na zwi ita madekwana a ḫamusí? I ri ni, “Murena Yesu, ndi a U funa.”

²²⁸ Elelwani, arali no no ita u fulufhedzisa hanú kale, nahone ni tshi kha di di ṭanganyisa na zwithu zwa shango, Yesu a nga si vhe na müselwa o raloho. A nga si vhe na muthihi a re phombwe. Lufuno lwanu lwoṭhe lu tea u vha kha Ene. Huno arali ni tshi funa zwithu zwa shango, na fesheni dza ḫino shango, khwine u fhira inwi ni tshi funa Mudzimu, zwenezwo a no ngo ḫilugisa.

²²⁹ Naa uyo muthu u ngomu hafha madekwana a ḫamusí, musi ro kotamisa zwifhaṭuwo zwashu, ni nga imisa tshanda tshañu, na ri, “Mukomana Branham, nthabeleleni. Ndi ḫoda u vha nga iyo ndila. Ndi—ndi ḫoda u vha tshipida tsha Muselwa. Huno ndi a ḫivha uri ndi khou ita zwithu zwine nda sa tei u zwi ita. Nthabeleleni”? Mudzimu a ni fhaṭutshedze, khaladzi anga wa Muindia. Mudzimu a ni fhaṭutshedze, khaladzi. Huno inwi, mukomana wanga. Huno inwi, mukomana. Muñwe-vho? Imisani tshanda tshañu, ni ri, “Nthabeleleni, Mukomana Branham. Ndi—ndi—ndi a ḫivha uri a tho ngo luga.”

²³⁰ Zwino ivhani a fulufhedzeaho kha inwi mune. Sedzani murahu vhutshiloni hanú. Ni tea u sedza murahu ni sa athu ya

phanda. Sedzani zwe na vha zwone. Sedzani zwe muya u ne na vha nawo wa ni ita uri ni ite. Arali ni songo ralo... arali ni tshi dibula u vha Mukriste, huno na vha ni kha di tangana na zwithu zwa shango, mukomana, khaladzi, ni nga vha hani fhedzi no pofula arali ni sa vhoni uri no khakha?

²³¹ Muñwe o amba liñwe ḫuvha, a ri, "Mukomana Branham, ni tea u ḫutshela vhathu nga u ralo." Ha pfi, "Vhathu vha u vhidza muporofita."

Nda ri, "A thi muporofita."

²³² Ha pfi, "Fhedzi vhathu vha elekanya uri ni ene. Ni tea u vha ni tshi khou funza avha vhasadzi. Vhudzuloni ha u vha vhudza uri vha ambare mavhudzi malapfu na lushaka lwone lwa zwiambaro na zwithu zwa u ralo, ni tea u vha vhudza uri zwithu zwi itwa hani zwa tshimuya."

²³³ Nda ri, "Naa ndi nga vha funza hani aligebra, musi vha nga si vhuye vha dzhiya ABC, zwa vhomuñuku? Vha si na na ndalukanyo zwayo ya u dikunakisa, vha tshi khou divhidza, 'Muselwa wa Kristo'!" A thi khou amba izwo lwo sinyuwaho. Ndi khou amba hezwo nga lufuno lwa Mudzimu.

²³⁴ Vhunga ndo amba matsheloni ano, arali ndi tshi ni vhone ni tshi khou tsela phasi mulamboni nga gungwa, huno nda vhone uri ni khou yo rwa magabelo, ilo gungwa li nga si kone u imedzana nao, nne ndi tshi khou zhamba kha inwi nahone ndi tshi khou ni ḫavhela mukosi, a thi khou lingedza u ni vhaisa. Ndi a ni funa. Ngauri, arali na sa ralo, vhutshilo hanu vhu do xela.

²³⁵ Naa hu na muñwe, kha vha imise zwanda zwavho ri sa athu rabela? Ndi a ni vhone, ngei nn̄da. Mudzimu a ni fhañutshedze, na inwi, inwi. Ni a dihva uri vhutshilo hanu vhu sumba uri no khakha. Ni kha di funa shango u fhira Mudzimu, zwenezwo hu na tshinwe tshithu tsho khakheaho huñwe fhethu. Sedzani inwi. Nnda pherani ngei nn̄da, imisani tshanda tshañu, ni ri, "Nthabeleleni, Mukomana Branham." Mudzimu a ni fhañutshedze. Mudzimu... Ndi zwone. U fulufhedzea ho dziaho, ndi—ndi takalela vhungoho.

²³⁶ Iyo ndi yone thaidzo kha tshivhidzo tsha Pentekoste ñamusi. A ri na uvho vhungoho ha vhukuma he ra vha ri naho. A ri na tshivhindi tsha—tsha u ña huno ra amba izwo, ra tenda uri ro khakha. Diabolo o fara tshivhidzo nga maanda u swika tshi tshi tou vhumbuluwa thopheni ya shango. Ni songo ita hezwo.

²³⁷ Vhutshilo hanu vhu sumbedza uri a ni na zwine na khou amba uri ni nazwo. Zwenezwo ndi ngani ni sa zwi buli? "Uyo ane a ño bula tshivhi tshawe u ño vha na khangwelo: uyo a dzumbaho tshivhi tshawe ha nga bveleli." Ni nga si zwi dzumbe. Mudzimu u dihva zweñthe nga hazwo. Huno arali ni tshi vhone nahone na dihva uri a ni khou tshila nga ñdila yone, zwenezwo ndi ngani ni sa zwi buli, huno na bva huno na zwi tendela zwa vha khagala?

²³⁸ “Zwivhi zwa vhańwe vhathu zwi a vha ranga phanda; zwińwe zwi a vha tevhela.” I ri ni zwanga zwi ye phanda. I ri ni ndi bule zweithe zwanga zwino. Tendelani Mudzimu a zwi wane nga ndila yone. Ndi zwine ra tea u ita.

²³⁹ Ho no vha na zwanda zwi ḥodaho u swika zwa rathi kana zwa malo zwine zwa khou ya n̄tha. Ngoho hu na two engedzeaho u fhira izwo kha itsi tshivhidzo tshituku, madekwana a ɣamusi, vha vhathu vha dana kana vhavhili fhano, kana khamusi vha dana na fuhanu. Mudzimu a ni fhaṭutshedze, muṭhannga. Zwino, Mudzimu a ni fhaṭutshedze, mufumakadzi. Mudzimu a ni fhaṭutshedze, khaladzi. Izwo ndi zwone. Mudzimu a ni fhaṭutshedze, murwa. Izwo ndi zwavhudzi.

²⁴⁰ [A hu na tshithu kha theiphi—Mudz.] . . . -vhasadzi vha bvaho dzikhunzikhunzini vho vha vha sa anzeli u ḥunya mavhudzi avho, fhedzi vha a zwi ita ɣamusi. Naa ho bvelelani? Vho vha vha sa anzeli u ita . . . u dola—u ḥola zwidolo. Mme anu a vho ngo ita, arali vho vha vhe vhapentekostała. Naa ho bvelelani namusi? Ngauri vha khou vhumbuluwa kha zwithu zwa shango. Huno shango li a ri sedza. Ri vhila u vha Tshivhidzo tshikhethwa. Naa thaidzo ndi mini? A ri fani na Muselwa wa Kristo. Nga ha vhoinwi vhanna ngeyo nn̄da, zwenezwo zwithihi. Mukomana, thoni kha inwi.

²⁴¹ Khotsi wa Tađulu, musi ndi tshi sedza nn̄da u buđekanya, huno nda ita mbidzo ya aliṭari nga ndila yo raloho, u kaidza, u wisela fhasi, zwi vhonala u nga ndi u hamba. Fhedzi ngomu hanga hu khou shuluwa malofha, musi ndi tshi ḥivha uri ri khou sendela magumoni. Aya magungwa maṭuku a khou ya balea, nga lińwe la aya mađuvha. Lufu lu khou yo rwa, na u kakarika. Huno ndi lungana ndo vhidzwa nga thungo yavho, nahone nda vha pfa vha tshi ri, “Oo, Mukomana Branham, arali nda nga tou kona u tshila hafhu.” Zwenezwo, musi avha vha tshi kona, Murena, u zwi lugisa!

²⁴² Ndi khou lingedza zwanga zwa khwinesa. Mudzimu, ngavhe Muya Mukhethwa u tshi zwi dzumbulula kha vhathu, uri ndi khou lingedza fhedzi u vha thusa, hu si u vha vhaisa. Fhedzi, vhunga Paulo o amba, wa kale! Mudzimu, a thi ḥodi vha tshi vhaisala, fhedzi ndi ḥoda u vha vhaisa lwo edanaho lune vha do vhona hune vha khakha.

²⁴³ Ndi rabela uri U do zwi tendela, madekwana a ɣamusi, avha vhathu, vha no imisa zwanda zwavho, vhe na—na ḥompho yo edanaho u—u limuwa, phanda ha Mudzimu, uri vho khakha, huno vha ḥoda u luga. “Todani, huno ni do wana. U khokhonya, li do vuliwa.” Fhedzi arali na sa khokhonya, naa U khou ya u vula hani? A ni vhuyi na ḥoda, naa ni khou ya u wana hani?

²⁴⁴ I rani Muya Mukhethwa, Murena, u ȳise avha vhathu kha vhuđikumedzeli ho ḥalaho kha Mudzimu, madekwana a ɣamusi. Ngavhe Khotsi muhulwane wa Murena washu Yesu Kristo a tshi

vha khethefhadza, mbilu, muvhili, na muya, huno wa vha vhea ngomu Muvhilini wa Murena Yesu Kristo. “Ngauri mbingano ya Ngwana i tsini, huno Muselwa Wawe o no Dilugisa.” O Murena, ngavhe uvhu vhu tshi vha vhusiku ha ndugiselo, ngauri matshelo hu nga di vha dughva line ra ḥangana Nae. A ri divhi uri ndi awara ifhio ine ra do vhidzwa u ḥangana Nae. Zwi tendele, Murena.

²⁴⁵ Zwino musi ndi tshi khou rabela, huno no kotamisa zwifhaṭuwo zwanu. Muňwe na muňwe wa vhoinwi o imisaho tshanda tshanu, arali ni tshi fulufhedzea tshothe kha hezwo, huno zwa vhukuma ni khou zwi amba, huno a ni shoni u tendela vhatu u divha uri no khakha! Ni khou ya u ima navho heneffo kha Khathulo, naho zwo ralo. Huno Mudzimu o vhea thovhedzo yo edanaho kha inwi, uri ni a divha uri no khakha.

²⁴⁶ Hafha tshiňwe tshifhinga tsho fhiraho, ndo vha ndi tshi khou rera tshiňwe tshithu tsha u ralo. Nda amba na mufumakadzi muswa o imaho murahu heneffo. A vhonala a tshi shusha, ḥwananyana wa mushumeli. Huno vha ḥangana na nne nga nnnda ha tshividzo, huno arali a songo ntsema! A ri, “Inwi tshithu tshi songo funzeaho.” Muňuku, khaladzi, wa zwidola mulomo; mapfufhi, mavhudzi o geriwa. A ri, “Arali ndi tshi ḥoda muňwe muthu a tshi amba na nne nga ha hezwo, ndi do wana muňwe muthu ane a vha na ḥalukanyo.” Ha pfi, “U songo da na khathihi kha phuluphithi ya khotsi anga huno wa rera tshithu tsho raloho hafhu.”

²⁴⁷ Nda ri, “U ḥoda u mmbudza, khotsi au, mureri wavhuđi a fulufhedzeaho wa Baphuthisi sa zwine a vha zwone, huno o vha a si nga funze a tshi lwa na hezwo?”

A ri, “Ho ngo u thola uri u de hafha . . .”

Ha pfi, “Ho ngo nthola, na luthihi. Ndi da nga thambo.”

A ri, “Na khathihi ndi nga si ni hangwele zwone.”

²⁴⁸ Nda ri, “Izwo zwi kha inwi. Ndo tevhela fhedzi Mafhungo-madifha.” Zwiṭaka zwa maluvha zwo vha zwi tshi khou vhudzula heneffo kha muya muňuku. Musadzi muswa o nakaho.

²⁴⁹ Nga murahu ha tshifhinganyana, ḥwaha u tshi ḥodou fhela, nda fhira doroboni. Ndo vhona ula mufumakadzi muswa muthihi a na zwikete zwawe zwo nembelela fhasi, a tshi khou daha foli, a tshi tsa na tshiṭaraṭa. Nda elekanya, “Uyo ndi mufumakadzi wa Mukomana *Mukenenene*, kana, ḥwananyana.” Nda tshimbila tshiṭaraṭani, ndi tshi vhona uri arali ndo vha ndi sa koni u ya khae.

²⁵⁰ A sedza n̄ha kha nne, a tshi khou daha dzone sigareṭe, a vhudzula nga ningozawé. A ri, “Hurini, mufunzi,” kuambele ku si ku khethwa khazwo, nga u ralo.

Nda ri, “Zwo luga, zwo luga!”

A ri, “Dahaninyana kha sigareṭe yanga. Ni vhe munna.”

Ha pfi, “Naa a ni shoni?”

²⁵¹ A hovhelela fhasi kha bogisi ḥa fola, a ri, “Zwenezwo dzhiani sigareṭe.”

²⁵² Nda ri, “Thoni kha inwi. Thoni kha inwi, u ḥekedza mulanda wa Mudzimu sigareṭe.”

A ri, “Zwenezwo khamusi u ḥo sura zwiṭuku kha bodelo langa.”

Nda ri, “Ndi a humbel a ni songo zwi amba.”

²⁵³ Nda mu sedza. A tho ngo kona u kondelela u sa lila, ngauri khotsi awe ndi munna wavhuḍi. Nda mu sedza. Nda elekanya, “Yawee, nne nne! O elekanya uri u na tshifhinga tshinzhi.”

²⁵⁴ Nda thoma u tshimbila. Ndo vha ndi sa koni u thivha miṭodzi maṭoni anga. Nda isa phaṇḍa na u tshimbila. A ri, “Ima lwa miniti.”

Nda ri, “Ee, mme?”

²⁵⁵ A humela murahu. Zwo vha zwi tshi tou shonisa u amba nae tshiṭaraṭani, vhatu vha tshi khou fhira. A gonya. A ri, “Ni a diṭha zwe na mmbudza vhusiku uvho?”

Nda ri, “Ndi do dzulela u elelwa.”

²⁵⁶ Ha pfi, “Ndi ṭoda u ni vhudza, mureri, no vha ni tshi khou amba zwone.” A ri, “Ndo ṭungufhadza Muya Mukhethwa lwa u fhedzisela.” Zwino, hafha ndi phindulo ye musadzi a ḥeya yone, huno a thi vhuyi nda i hangwa, tenda nda vha ndi tshi khou tshila. A ri, “O vha a tshi khou shumana na nne vhusiku uvho. Fhedzi,” ha pfi, “musi ndi tshi Mu furalela nga itsho tshifhinga, ho vha hu tshanga tsha u fhedzisela.” Ha pfi, “Mbilu yanga yo vha i kondaho nga maanda; a thi londi Mudzimu, tshivhidzo, kana tshinwe tshithu-vho. Ndi khou sema khotsi anga, ḫuvha linwe na linwe.” Huno a ri, “Ndi nga vhaba maya wa mme anga u tshi khou gotshiwa heleni, u nga tshikontsi, huno a sea khazwo.” Izwo ndi u ṭungufhadza Muya Mukhethwa lwa u fhedza. Elekanyani ngazwo.

²⁵⁷ Kha ri ye Hayani nga phapha dza Liivha. Kha ri vhe Muselwa. Takuwanī tshidzuloni tshaṇu zwino, arali no khakha. Idani ngeno n̄ha. Imani hafha kha al̄iṭari huno ni ri, “Ndo khakha. Mukomana Branham, ndi na mbilwana. Kana, ndo—ndo—ndo tshila ndi sa ofhi Mudzimu. A—a tho ngo tea u ita izwi zwithu zwine nda ita. Mukomana Branham, ndo ita hezwi, zwiṭa, kana zwiṭiwe. Ndi na mulandu wa u zwifha. Ndi na mulandu wa u tswa. Ndi na mulandu wa tshinwe tshithu. A tho ngo shumela Mudzimu nga ndila ine nda tea u ita, huno ndi a dishona, nahone ndi ṭoda vhutshilo hanga vhu tshi lulamiswa. Naa a ni nga nthabelele fhano madekwana a ḥamusi, Mukomana Branham?” Ndi do takalela u zwi ita.

²⁵⁸ Arali Mudzimu a tshi do fhindula thabelo dzanga, u pfa u itela vhalwadze, vho pofula, na vha ḥupheaho, Zwa vhukuma u do pfa thabelo a tshi itela muitazwivhi. Naa a ni nga di huno na vha tshipiqa tsha Muselwa madekwana a ɻamus? Ndi a ni ramba u da.

²⁵⁹ Ndi a livhuwa, mukomana wanga. Ndi a takalela tshivhindi tsho raloho, tsha uri ni do bvela khagala na tenda uri no vha no khakha. Mudzimu a ni fhaṭutshedze, mukomana. Imani *henefha*.

²⁶⁰ Ni ṭoda u mmbudza, uri ni nga imisa tshanda tshanu huno na si vhe a fulufhedzeaho khazwo? Naa ho bvelelani kha vhathu? Mukomana, naa thaidzo ndi mini? Naa thaidzo ndi mini kha vhathu vhashu nga ɻino ḫuvha? Ni amba uri no vha ni tshi do imisa tshanda tshanu, uri no khakha, huno zwenezwo na sa de? Huno divhani, “A no divha u ita zwivhuya, huno a sa zwi ite, khae ndi zwivhi.” Naa ni nga si de?

Musi mutambi wa piano, arali ni tshi funa, khaladzi, mulidzaogeni, hu tshi tou vha muzika muṭuku.

²⁶¹ Ndi khou ni ramba. Ndi ṭoda u ni vhuzzisa. Ndi vhangana kha avha vhathetshelesi vhe vha vha vhe miṭanganoni musi... Ni a ḫivha uri a thi mureri. A thi na pfunzo.

²⁶² Mudzimu a ni fhaṭutshedze, mufumakadzi muṭuku. Izwo zwi dzhia musidzana wa vhukuma u ita hezwo. Yone khwairi ḥukhu i tshi khou da hafha, ni fhaṭutshedzeye. Ndi ḥuṭhuwedzo ya vhukuma. Ndi—ndi a takalela uyo musidzana muṭuku. Mudzimu a ni fhaṭutshedze, mufunwa. Ndi na musidzanyana hayani, wa miwaha yanu yoṭhe, Rebekah muṭuku. Ndi a ni livhuwa. Musidzana muṭuku wa Muindia? Mudzimu a ni fhaṭutshedze, mufunwa, uyu khosikadzi ḥukhu. Mudzimu a vhe na inwi, dinga ḥa mbilu. Inwi, khaladzi muṭuku, Mudzimu a vhe na inwi. Huno na inwi, khaladzi.

²⁶³ Zwino, sedzani hafha. Arali vhafumakadzi vhaswa vha no nga vhenevho, vhasidzana vhatuku, vha re vhatete kha mvalo; huno vha rera theri i no ita ur̄i vha ḥavheye vhukuma, huno hafha vha a da ngeno n̄ha, vha tshi ḫivha uri vho khakha, imani hafha phanda ha vhathetshelesi uri ni bule. Zwa vhukuma, zwa vhukuma vhoinwi vhavegulu, naa ni nga si de? Idani ngeno n̄ha, huno ni ime *hafha*.

...Ndi do ṭoda tshifhaṭuwo Tshau;
Fhodza wo vha salaho, muya wo
kwashekanaho.

Kha ri lu imbe.

Ntshidze nga tshilidzi Tshau.
Mutshidzi, Mutshidzi,
Pfa...

²⁶⁴ Ngoho ni a fulufhedzea lwo eðanaho u rabela thabelo ya u ðitukufhadza. "Vhidza, Murena, nndinge, huno u vhona arali hu na tshiñwe tshithu tsho khakheaho kha nñe."

U so ngo mphira.

Mudzimu a ni fhañutshedze, khaladzi a funeaho.

²⁶⁵ Ndi vhangana kha uyu muñangano vho imaho nahone vha vhona, kha vhathetshelesi, vhasadzi, vhanna, na vhoþhe, vha tshi ða ngeno nñha musi ndo ima ndi tshi khou rabelela vhalwadze, huno Muya Mukhethwa u vha vhudza zwithu, zwa zwivhi zwavho na zwithu, nahone vha ðivha? Ndi vhangana vhanu vhane vha ðivha uri izwo ndi ngoho? Ha kundelwi na khathihi. Muya Mukhethwa u khou mmbudza, wonoyo Muya Mukhethwa muthihi, uri hu na tshiñwe tshithu ngomu hafha madekwana a ñamusi tshi no khou Mu ðungufhadza. Zwino, iþo ndi U RALO MA AMBA MURENA. Zwino, ðanganani nazwo hafha, kana Henengei.

²⁶⁶ A thi muthu a re kha zwipfi. Hai, mune wanga. Ndi a ðivha kokotolo he nda ima hone, huno ndi—ndi ðivha Mudzimu. Izwo ndi zwone. Hu na vhanzhi vha vhoiñwi vhane na ðoda u ima heneñha hune avha vhasidzana vhaswa vha vha hone. Zwino, naa ni nga si ðe? Ndi khou ni ramba. Ndi nga si kombetshedze. Ndi khou tou ni vhudza.

²⁶⁷ Muñwe muthu o ri, "A thi athu pfa mbidzo ya aleñare he mushumeli a kaidza vhathetshelesi, kha zwithu zwi ngaho izwo."

²⁶⁸ Iyo ndi ñdila ine zwa tea u itwa ngayo. A ni ði kha inwe nganea i ðungufhadzaho, vhanwe mme vha tshi khou fa kana tshiñwe tshithu. Izwo, zwi fhasi ha zwipfi. Ipfi la Mudzimu ndi lone line na ða khalo. A ni deli muñwe munyanyuwo-vho. Ni ða ni tshi tenda uri Mudzimu ndi Mudzimu, huno ni nduni ya khañhulo ya Murena. Huno ni a ða, ni tshi khou lwela mulandu wañu.

²⁶⁹ Mudzimu a ni fhañutshedze, mukomana wanga, khaladzi anga. Ndi khou ðoda u khada tshanda tshañu, nda ri ndi livhuwa u kwamea hanu ha ngoho. Mufumakadzi muñuku, ndi a ni livhuwa. Mudzimu a ni fhañutshedze. Ngavhe A tshi ni ñea uyo Muya wa wa u kwañha. A ni fhañutshedze, mukomana wanga. Mudzimu a vhe na inwi.

²⁷⁰ Hafhu, zwenezwo ri khou ya u vala. Zwi nga ði vala lwa tshifhinga tsha u fhedza, nazwo-vho. Ni a vhona? A thi ðivhi uri lini. Ndi fulufhela uri a zwi ralo. Fhedzi zwi nga ði ralo. Ni a vhona?

Mutshidzi . . .

²⁷¹ Idani hafha, khaladzi anga. Ndi ðoda u khada tshanda tshañu, ndi a ni livhuwa. Ndi a livhuwa ulwo lutendo. Ulwo ndi lutendo lwa vhukumakuma.

²⁷² Idani hafha, mukomana wanga. Ndi khou ṭoda u khaḍana na inwi, heneffa. Ndi livhuwa vhungoho hanu. Mudzimu a ni fhaṭutshedze.

²⁷³ Idani hafha. Mudzimu a ni fhaṭutshedze. Ndi livhuwa vhungoho hanu, u imela...

... u songo mphira.

Mutshidzi...

²⁷⁴ Mini? "Tshimima tsha mbingano ya Ngwana tsho ḍa, huno Muselwa Wawe o no Dilugisa."

... tshililo tsho ṭukufhalaho;

Musi kha...

U so ngo mphira.

Mini?

Ndi khou fulufhela fhedzi kha vhuvha Hau,

Naa ndi ḍo ṭoda tshifhaṭuwo Tshau;

Fhodza tshilonda tshanga, muya wo
vhaisalaho (Hune Ipfi la tumula khazwo),

Ntshidze nga tshilidzi Tshau.

Mutshidzi, Mutshidzi,

Ipfani tshanga tshi ḍiṭukufhadzaho...

Musi U tshi vhidza vhañwe,

Oo, u songo mphira.

²⁷⁵ Elelwani, Muya Mukhethwa wo vha wone ṭhavhaho mbiluni yanu, huno na ḍa n̄ha hafha. Itonu elekanya nga ha mafhethu e Wa ita uri ni ṭhavheye khao, huno uyo muthu na khathihi a nga si bvise izwo phasi. Tshifhinga tshothe vha do zwi elelwa izwo. "Arali mbilu dzashu dzi sa ri haṭuli." Fhedzi musi ni tshi ḍa na tshiñwe tshithu kha Ipfi la Mudzimu, huno na tshi fhira, itszo a si Mbeu ya Abrahamu. Abrahamu o vhulunga pfulufhedziso ya Mudzimu mbiluni yawe, hu sa londwi uri hu ḍa mini kana u ṭuwa.

²⁷⁶ Ndi a livhuwa avha vhoṭhe vho imaho u mona na alīṭari. Thabelo yanga u itela inwi, uri Mudzimu a ni ḡee lutamo lwa mbilu yanu madekwana a ḡamusi, huno a ni ite vhathu vho khetheahō zwa vhukuma.

²⁷⁷ Vhanwe vha avha vhathu vhaswa, hafha ndi Maindia, Spainish, Mexican, vhoṭhe vho ima u mona hoṭhe, vhathu vhe vha ri ndi Vhakriste, khamusi, lwa miniwaha, fhedzi vhona uri zwo khakhea. Vha ṭoda u luga. "Mashudu avho vhane vha pfa ndala na dora la u luga, ngauri vha do dadzwa." O haṭulwa, o lugela u zwi lugisa na Mudzimu, nga kha alīṭare dza mūlilo dza khaṭhulo ya Mudzimu.

²⁷⁸ Ri teya u ṭangana huñwe fhethu, khonani. Ni teya u ṭangana nayo huñwe fhethu, ngauralo ṭanganani nayo hafha. Ni songo lindela u swika nga matsheloni. Inwi ni nga di vhulawa madekwana a ḡamusi, nga khombo, ni tshi ya hayani.

²⁷⁹ Zwa zwenezwino mutanganoni, ndo ita mbidzo ya alitari, huno—huno nda founa, vhunga zwe zwa vha zwi zwone n̄tha ngei Ohio. Huno uvho vhusiku, nda t̄utshela tshifha, huno ndo no ṭuwa lwa miniti i ṭodaho u swika ya fumiṭhanu. Nda pfa muñwe a tshi khou zhamba, nga thungo ha ndila. Nda ima, nda ya henengei. Modoro wo vha u na khombo, wo dzhena kha muñwe Huno musadzi we a vha o dzula heneffo, o tshuwa nga maanda, a bvula rinngi yawe, o vha o tshenuwa nga maanda. O vhulawa. Huno o vha a tshi khou amba na n̄wananyana wawe, ndilani ya u tsela phasi, we a vha a tshi khou reila. Vho vha nae heneffo, o lugela u ya sibadela. Huno vhothe vho vha vho tea u da kha alitari. Huno n̄wananyana a ri, “Mma, ipfi la u fhedzisela le vha mmbudza goloi i sa athu rwa, ‘Ndo khakha madekwana a ñamusi. Ndi a ñivha uri ndo ralo.’” Huno vhutshilo hawe ha vhidziwa heneffo.

Oo, inwi ni ri, “Izwo a zwi nga bveleli kha nn̄e.” Zwi nga di ralo. Zwi nga di ralo.

²⁸⁰ Huno mini-ha arali Muya Mukhethwa u sa tsha dovha wa ni rovhedza hafhu nahone wa ni vhudza uri no khakha? Zwenezwo ni do bva kha U Ya Nga Hu Sa Fheli nga u ralo. Huno ni a ñivha, na ulwo lushaka lwa mya, ni nga si zwi ite. Muñe wanga, sedzani murahu kha vhutshilo hanu, vphonani uri no tshila hani. Huno lavhelesani murahu hafho hune ni sedze arali zwi si zwavhudji, vhutshilo ha u diṭukufhadza ha Kristo, vhu tshi ṭumana na Ipfi Lawe lothe. Arali zwi songo ralo, zwenezwo idani ni luge. Hu na . . . Ndi ngani—ndi ngani ni tshi dzhia tshiimeleli, musi lutombo lwo ḳala nga phaṭhutshedzo dza pentekostała dza vhukuma dzine dza do ḳanzwa mbilu yañu, na kunakisa myua wañu? Naa izwo a si zwone?

²⁸¹ Ndi vhangana vhashumeli vha re ngomu hafha madekwana a ñamusi? Ndi khou ḳoda vhañwe vha vhoiñwi vharathu ni tshi tshimbila na riñe. Izwo two luga, mukomana? Iina. Idani ngeno n̄tha, ni do ralo, lwa minete fhedzi, vharathu? Izwo ndi zwone.

²⁸² Yesu o ri, kha Ipfi Lawe, “Uyo ane a pfa Maipfi Anga, nahone a tenda kha Uyo we a Nthuma, u na Vhutshilo Vhu Sa Fheli; ha nga di khatuloni, fhedzi o fhira u bva lufuni u ya Vhutshiloni.” Yohane Mukhethwa ya vhu6 yo ri, “Huno ndi do mu vusa hafhu nga duvha la u fhedzisela,” mvuwo.

²⁸³ Vhathu, riñe, ri tea u zwi kondelela hezwo. Ri fanela u zwi ita. Zwi tea u tou itwa. Ngauralo yone . . . A si zwi pfi. Zwipfi zwi tshimbila nazwo, a hu na zwinwe. Izwo ndi zwone. Fhedzi tshithu tshi re hone ndi uri, ndi mbilu yo dikumedzaho.

²⁸⁴ Itanu dzhia Ipfi la Mudzimu, huno ni ri, “Mudzimu, ndo khakha. Ndi humbelā pfarelo ndo ita hezwo. U ñivha mbilu yanga. Ndo khakha. Hanefha kha anea maimo, ndi bula vhukhakhi hanga. Huno u itela vhuno vhusiku, u ya phanda, ndo fulufhedzisana na Iwe. Ndi tshipida tsha Muselwa. A thi nga

do dovha nda ita *hezwo*; na khathihi nda si tendele mbilwana u redzemuwa hafhu. Ndi do—ndi do difara sa mufumakadzi. Ndi do difara sa nzhinga. Ndi do ita zwithu zwine Bivhili ya amba uri ndi ite. Ndi do U dzhia zwino kha Ipfi Lau.” Zwenezwo ni khou ya huñwe fhethu.

²⁸⁵ Ni a tenda izwo, vhareri vha Mafhungo-madifha? [Vhashumeli vha ri, “Amen.”—Mudz.] Naa iyo ndi Ngoho? [“Amen.”] Izwo ndi zwone.

²⁸⁶ Zwino, kha ri kotamise zwifhañuwo zwashu thabeloni zwino, muñwe na muñwe wañu fhedzi, nga ndila yanu.

²⁸⁷ Elelwani, heneffo nga thungo yanu ndi Kristo. Phanda hanu, hafha kha alitari, ho ima Vhakriste vha tshi khou rabela. Murahu hanu; vhashumeli vha Mafhungo-madifha vha tshi khou rabela. Zwino, izwo zwi ni dzhenisa kha mufhe wa thabelo.

²⁸⁸ Zwino, u dibula hanu, mbiluni dzanu, nga ndila yanu. “Murena, ndo khakha.” [Avho vha re kha alitari vha ri, “Murena, nne ndo khakha.”—Mudz.] “Ndi humbela pfarelo, Murena,” [“Ndi humbela pfarelo, Murena,”] “Ndo ita hezwi zwithu.” [“Ndo ita hezwi zwithu.”] “Zwino ndi bula tshivhi tshanga.” [“Nne zwino ndi bula tshivhi tshanga.”] “Ndi tenda kha Iwe.” [“Ndi a tenda kha Iwe.”] “Ndi a U tanganedza zwino.” [“Ndi a U tanganedza zwino.”] “Ndi toda u vha tshipida tsha Muselwa.” [“Ndi todou vha tshipida tsha Muselwa.”] “Nga Dzina la Yesu ndi a rabela.” [“Nga Dzina la Yesu ndi a rabela.”] Zwino, dzudzani u bula hanu mblinu yanu zwino.

Zwino ndi khou yo ni rabelela.

²⁸⁹ Khotsi wa Tađulu, zwi a nthithisa hani tshiñwe tshifhinga musi ndi tshi lavhelesa kha vhatu vhane vha mpfuna, huno u vhona uri U dzhia hani Ipfi nahone wa Li vhea ngei nnđa. Li tou thavha u swika kha nongo ya rambo, fhedzi zwenezwo Wa da heneffo u mona uri u zwi khwañhise sa Ngoho. Ndi Ngoho.

²⁹⁰ Hafha ho ima vhanna na vhasadzi, na vhaftumakadzi vhañku, vhasidzana vhañku vho ima hafha na zwifhañuwo zwo kotama, na mitodzi mañtoni avho, heneffo mafhandeni a vhutshilo. Ndi humbula hune vha do fhelela hone, fhasi hafha kha u thwista, roko na rolo, vho thubiwa nga diabolo, tshigwada tsho thubiwaho nga madimoni. Khevha hafha, vho ima hafha madekwana a ñamusi na mbilu dzo kotamaho, vha tshi toda tshiñwe tshithu tshine vha nga vhea zwanda zwavho khatsho, u ri, “Murena Mudzimu, ñanzwe kha zwithu zwothe zwa shango.”

²⁹¹ Hafha ndi vhanna vha murole wa vhukati, vhañhannga, vhasadzi vho aluwaho, vhaftumakadzi vhaswa, vhothe vho ima vhothe. Vha khou bula uri hu na zwo khakheaho. Wo amba na mbilu dzavho; a vha nga vhi fhano na khathihi. Zwi sumbedza uri vho vha vha sa koni na u takuwa kha zwidulo zwavho, vha si na tsheo ya u itiwa. Muya wa Mudzimu wo vha u tsini navho, huno—huno wa ri, “U khou khakha.”

Huno vhutshilo havho vhuṭuku ha ri, “Murena, zwenezwo ndi a U ḥoda.”

Huno diabolo a ri, “Dzulani ni dzike.”

²⁹² Fhedzi Muya wa Mudzimu wo ri, “Takuwa.” Huno vho tshimbila nga u thetshelesa, nahone vho ima hafha kha alit̄ari.

²⁹³ Zwino, vhunga ndo U redzela Ipfi Łau, “Ane a do da kha Nne, Ndi nga si mu pandele. Naho zwivhi zwaṇu zwi tshi nga muridili, zwi do tshena zwa nga mahaḍa; u tswuka vhunga luvhundi, u tshena vhunga wulu. Idani huno ni renge kha Nne, veini na mapfura. Tshilidzi tshāṅga tsho eḍana. Ane a pfa Maipfi Anga, huno a tenda kha We a Nthuma, u na Vhutshilo vhu sa fheli; huno a nga si dzhene Khaṭhuloni, fhedzi o bva lufuni a ya Vhutshiloni. Huno zwino mbingano ya Ngwana yo ḫa, huno Muselwa o Dilugisa.”

²⁹⁴ Khotsi, ndi Vhau. Vha tou vha zwiphuga zwa Ipfi Łau. Vha fhano u ḥanzwiwa nga madi a Ipfi, ngauri ndi Mafhungomadifha o fhelelaho. A zwi khou ita tshiñwe tshithu. Zwo tumulwa fhasi, u swika kha vhomuṭuku. Tshi khou tupula midzi, midzi ya u kalakata, yone—yone—yone midzi ya dici phambano, midzi ya shango. Vha bvise, Murena, nga Muya Mukhethwa. Vha bvise kha havha vhathe.

²⁹⁵ Ndi vha vhila u itela Iwe madekwana a ḥamusi, Yesu, sa lupfumo Lwau iwe munē, sa musuku khareni Yāu, sa mirado ya Muselwa Wau. Ndi vhila matshilo avho. Ndi rabela nga mbilu yanga yoṭhe, na avha vhashumeli, avha vhalanda vha Mudzimu a tshilaho. Ndi rabela uri U bvise khavho, Murena, zwithu zwa shango, huno wa vha nea tshiyhindi tsha u ima phanda ha Sathane. Zwi tendele, Murena. Ri tenda uri U do zwi ita. Wo ri, “Humbelani Khotsi tshiñwe na tshiñwe nga Dzina Łanga, Ndi do tshi ita.” Zwino, na khathihi a wo ngo ri, “Uh, khamusi ndi do zwi ita.” Wo amba, “Ndi ḫo zwi ita.” Huno ndi tenda uri izwo ndi ngoho.

²⁹⁶ Zwino, nahone zwe ḥwalwa Maṇwaloni, “Dzinani Łanga vha ḫo do pandela vhodiabolo.” Ndi diabolo a no do dzhia mufumakadzi muswa kana musadzi, huno a tshinya vhutshilo hawe. Ndi diabolo a no do dzhia munna huno a tshinya vhutshilo hawe. Huno ndi do redza iyi nganea ḥukhu, Murena, thabeloni yanga. Huno ndi a rabela uri U do mpfa, nahone wa fhindula thabelo yanga, uri muñwe na muñwe wa avha u do vhilwa madekwana a ḥamusi u itela dzhewe dza Muvhuso. Vho ḫa. Huno ndi tea u fhindulela maipfi anga madekwana a ḥamusi. Huno hafha vho ḫa u ima na nne, na u dzhia vhuimo hashu nga thungo ya Kristo.

²⁹⁷ Zwino, Sathane, wo li xedza. Wo vhulunga vha si gathi murahu, fhedzi a wo ngo ḫo wina nndwa. Yesu o ri, “Uyo ane a ḫa kha Nne, A thi nga mu pandeli.”

²⁹⁸ Sathane, ndi ri kha iwe, uri liñwe ḫuvha ho vha hu na mutukana muṭuku we a vha a tshi khou lisā nngu dza khotsi awe.

Huno ndau ya dzhena huno ya wana iñwe yayo, ya i bvisela nnđa, ya i fara nga ndila i si yavhuđi, huno yo vha i tshi khou ya u ilä. Fhedzi hoyu mulisa muđuku wa vhukuma, o vha a si na zwinzhi fhedzi gatho, fhedzi o vha a na lutendo kha Mudzimu a tshilaho. A tevhela iyo ndau, huno ya i fara, nahone a—a i vhulaha. A mu vutshela, huno a mu fara nga ndebvu dzawe nahone a mu vhulaha. O bvisa nngu mulomoni wawe, a i humisela murahu kha pfulo ya phodzo yayo.

²⁹⁹ No dzhia idzi nngu dza vhut hogwa dla Mudzimu, avha vhabumakadzi, vhe vha vha vhangela u fhungudzela mavhudzi avho huno vha dola zwidolodolo, huno a vhonala vhunga zwithu zwine Bivhili ya zwi hađula, nahone no elekanya uri ni nazwo. Fhedzi ndi da na heli gatho lítuku lo leluwaho la thabelo. Ndi khou vha vhuisa murahu madekwana a ñamusi. Ni nga si tsha kona u vha fara. No kunndwa. Avha vhabanna vha vhut hogwa vho imaho hafha, ngwana dla Mudzimu, dici vhofhololeni. Ri a ulaya, nga Dzina la Murena Yesu Kristo. Ndi vheya vhukati ha heyi ndowelo na mbiti, na u shaya mikhwa na tshiñwe na tshiñwe tshire tshi nga vha tshone, ndi vhea Malofha a Yesu Kristo, nga lutendo, vhukati havho na itsho tshithu hafhu. Ni nga si tsha vha fara. Vha kha pfulo ya Khotsi. Ndi vhana Vhawe. Tutshelani kule navho. Nga Dzina la Yesu Kristo, ndi a u pandela.

³⁰⁰ A hu na diabolo heleni ane a nga ni kwama, arali ni tshi do tenda izwo. No tsireledzwa nga Malofha. No tingelelwaa nga thabelo, vhashumeli vha Mafhungo-madifha, na vhađinda vha mulanga, thabelo. Muñwe na muñwe wa vhoiñwi, idani ngeno n̄tha, ni tshi ñivha uri ni na madzema, u shaya nungo, na zwithu zwine na niwa nga ñtoni ngazwo. Arali na vha vhea zwino kha aliđari ya Mudzimu ya musinaseđha ya khađhulo, huno ni tshi do i ñanganedza zwino sa khangwelo yañu, uri Kristo u ni ñea yone, naa ni do ita uho u dikumedza nga lutendo, u imisa tshanda tshañu huno na ri, “Zwino ndi a zwi ñanganedza. Zwo ūwa. Huno u bva kha lino ñuvha u ya phanda, na khathihi a thi tsha do zwi ita hafhu”? No tshidzwa nga Malofha a Yesu Kristo. Amen. Amen. Thendo kha Mudzimu.

Naa u hone muñwe ane a do takalela u ña, u dzhoina itshi tshigwada?

³⁰¹ Naa hu na muñwe a lwalaho-vho tshifhađtoni, ane a do takalela u imela thabelo nga tshino tshifhinga? Takuwaní.

³⁰² Ndi khou ñoda muñwe na muñwe wañu hafha, arali ni si—arali ni si murado wa tshiñwe tshivhidzo tsha Mafhungo-madifha o fhelelaho, iyani kha muthihi, uyu arali ni tshi kona, arali ni tshi tshila tsini hafha. Tuwani na mufunzi huno ni lovhedzwe. Huno zwenezwo arali ni songo ñanganedza Muya Mukhethwa, rabelani uri Mudzimu a ni ñee Muya Mukhethwa huno a ni ñadze, a ni ite murado wa Muselwa.

³⁰³ Sedzani nn̄da u buđekanya heneffo, vhakomana, kha vhatu vha lwalaho. Diabolo a nga si fare avho vhatu. Itshi ndi tshifhinga tsha u vhofholowa. Haleluya! Naa izwo a ni zwi tendi? [Tshivhidzo tshi ri, “Amen.”—Mudz.]

Kha ri kotamise zwifhađuwo zwashu u itela thabelo.

³⁰⁴ Huno muňwe na muňwe wa vhoiñwi vhatu ngeyo nn̄da, a re na vhulwadze, inwi o imaho, vheanani zwanda zwañu. Yesu Kristo o ri, “Izwi zwiga zwi do tevhela avho vha no tenda. Arali vha tshi vhea zwanda zwavho kha vhalwadze, vha do fhola.” Farani zwanda zwañu. Zwino, ni songo dirabelela. Inwi rabelelani muthu a tevhelaho we na vhea zwanda zwañu khae, ngauri vha khou ni rabelela.

Kha ri rabele rođhe zwino sa Tshivhidzo tsha Vhakriste.

³⁰⁵ Murena Yesu, ri livhuwa gundo madekwana a ñamusi, mimuya i khou da kha Iwe. Zwino, diabolo o hwala dzinwe dza nngu Dzau, nga vhulwadze. Ri da u vha vhila murahu. Huno sa Tshivhidzo tsha Mudzimu a tshilaho, ri kaidza diabolo, nahone ra ri, “Vhopholola avha vhatu vha lwalaho, Sathane. Ri a u laya nga Dzina la Yesu Kristo, uri vha fhodzwe.” Bivhili yo ri, “Hezwi zwiga zwi do tevhela avho vhane vha tenda. Arali vha vhea zwanda zwavho kha vhalwadze, vha do fhola.” Iyo ndi pfulufhedziso ya Mudzimu, huno ri a zwi ñivha uri ndi ngoho. Vho fhodzwa nga ntho dza Murena Yesu Kristo.

³⁰⁶ Zwino, arali ni tshi zwi tenda, imisani zwanda zwañu huno ni Mu ñee thendo. Amen.

³⁰⁷ Zwo luga, mufunzi, ndi zwañu zwothe. Mudzimu a ni fhađutshedze, mukomana. Ndi zwavhuđi u vha na inwi madekwana ano. Mudzimu a vhe na inwi.

Mudzimu a ni fhađutshedze, vhakomana hafha.



YONE MBINGANO YA NGWANA TSV62-0121E
(The Marriage Of The Lamb)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Phando 21, 1962, Thabererakeneleni ya Fellowship ngei Phoenix, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org